







554.91

Egg

ENARR. HISTORICÆ
DE
ISLANDIÆ NATURA
ET CONSTITUTIONE
FORMATÆ & TRANSFORMATÆ
PER ERUPTIONES IGNIS

Ex
Antiquissimis Islandorum, Manuscriptis Hi-
storiciis, Annalibus, Relationibus, nec-
non observationibus

Conscriptæ
PARTICULA PRIMA
DE
**ISLANDIA, ANTEQVAM COE-
PTA EST HABITARI**

Quam
Pro STIPENDIO VICTUS REGIO
CONSENSU AMPLISSIMI SENATUS
ACADEMICI

Publico Opponentium Examini
Subjiciet
EGERHARDUS OLAVIUS ISLAND.
RESPONDENTE

ILLOGO SIGURDI FILIO.
S. Sti. Ministerii Candidato.
In AUDITORIO COLLEGII REGII
Die Anno M. DCC. XLIX.


HAFNIÆ,
Typis & Impensis Directoris S. R. M. & Universitatis Typogr
JOH. GEORG. HÖFFNERI.

CENSURA.

In Historicis hisce, de Natura & Constitutione Islandiæ, enarrationibus, multa mirabilia Naturæ spectacula, quæ hæctenus, in Borealibus tenebris, jacuerunt sepulta, publicam in lucem profert præstantissimus Auctor, EGERHARDUS OLAVIUS, natione Islandus.

Habent hic curiosi rerum naturalium scriptores & scrutatores, in quibus & Animum delectent, & Ingenii Judicii quæ Acumen exerceant. Cum vero fabulosas Antiquitatis traditiones, prudenter notet, laudatus Noster, nihil quæ asserat, nisi vel certum, vel sanæ Rationi congruum, hunc ejus laborem, Historiæ Naturalis Fautoribus, gratum fore spero.

Havniæ, die 1. Septembris,
Ao. MDCCXLIX.

J. F. RAMUS.

Quæ, de scripto hoc egregio rectissime judicat, præstantissimi auctoris, ut apud nos mos est, Præceptor privatus, Perillustis S. R. M. Justitiæ Consiliarius, & Collega honoratissimus, Dnus. JOACHIM FRIDERICUS RAMUS, Mathemat. in Regia hac Universitate Prof. O. &c., nostra quoque merito & jure facimus, & Luce publica dignissimum censemus.

Havniæ IV. Non. Septembr.
Ao. clolcccxlx.

JOH. PET. ANCHERSEN

J. U. D. & Fac. Phil. h. a. Decanus.



PRAEFATIO

AD

LECTORUM.

Vides hic Lector Benevole Islandiam, qualem tibi repræsentari, temporis status & Angustiae, permiserunt. Inclusa enim est conciso & magis, quam optavi astricto compendio, cujus laxata magnitudo, multis ægerrimè voluminibus, comprehenderetur. Ausum sanè est tenellis & immaturis Adolescentis viribus longè superius, talem tractare materiam. Quoniam autem, vir quidam in Islandia, non ignobilis, cui & necessitudine & beneficiis, sum devotissimus, à me, proximè antecedenti anno, petiit, ut Saxeta Islandiae,

A 2 olim

olim liqvefacta, Incolis *Hraun*, describenda aggrederer, hanc materiam, pro Stipendio Victus Regio, cum illam nemo prius, me sciente, elegerit, elegi ipse, non tamen ut expolientiam, sed tentandam potius, & quasi exercitoriam. Divisi illam in duas particulas, quarum Prior qualitercunque absoluta, jam lucem videt publicam. Complectitur hæc particula, productas ab Igne subterraneo Revolutiones, per quas Islandia, formata est & variè transformata, antequam à Norwagis cœpit incolari. Duabus Sectionibus constat: Prima versatur circa apertiora revolutionum signa, qualia sunt Igne enati Montes, Saxeta & Planities, cum suis Thermis & Balneis. Posterior occultiora signa in se continet, qualia sunt inordinata terræ strata & cavitates sub terra, Mineralium & Metallorum quisquiliæ, corpora petrefacta & alia Terrarum genera, quæ Islandiæ naturam vel originem explanant. Annectitur Sectioni
bre-

brevis maris Islandici delineatio, tam
quoad Insulas, quam exustum fundum.
Posterior Particula, Deo volente, aget
de Revolutionibus Insulæ, quas Ignis,
postquam habitari coepit produxit, &
enatis inde terris tam in ipsa Islandia,
quam in vicino mari.

Quod in Præsenti Particula tradidi
& asserui, in sequuturâ clarius expone-
tur, eventorum ope singularium, quæ
in terrarum incendiis annotata sunt.
In hocce opusculo, usus sum Biblio-
theca B. Arnæ Magnæi, manuscriptâ
prisco nostro Idiomate, quæ res Islan-
dicas continet. Hujus membranas &
chartas, (etiamsi frustra plures,) sæ-
pius pervolvi, excerpſique ex illis, quic-
quid ad susceptum opus spectabat. Ni
obstitisset pagellarum contractio, mens
mihi fuisset afferre sententias, cum
versione Latina, cum autem opuscu-
lum, in nimiam magnitudinem ex-
cresceret, mutavi propositum, con-
tentus, citasse manuscriptorum nomi-
na, quæ, ne legenti officerent, vel

moverent fastidium, in margina
posui. Loca Islandiæ non cer-
tè dimensus sum, cum nullæ illam,
qvas vidi, mappæ perfectam, & geo-
metricè proportionatam exhibuerint;
sed conjecturaliter, & prout Islando-
rum *Dag-skydir*, sive diurna itinera,
mihi succurrere potuerunt. Quod ad
Historiam attinet, meam nemini fidem
obstringo, sed ad Auctores ipsos vel
Relatores, relego. Rudes & vulgares
meas opiniones, qvas non expressi eo
respectu, ut tanquam quid visu dignum
ostentaretur, sed, ut animi vires medi-
tationi assuefierent, in medio relinquo,
submittoque eorum judicio, qui me
adultiores sunt ætate & Sapientia. Si
quid igitur frugi habent hæ lineæ, istud,
o Lector Benevolentissime, tanquam
Ennianum Aurum collige, quicquid
vero male fundatum & erroneum oc-
currit, istud emenda, & instigare si-
mul, ad enixius eruendam veritatem,
magisque legitime concludendum.



DISCURSUS PRAELIMINARIS.
DE
ORTU ET EFFECTIBUS
IGNIS SUBTERRANEI.

Cui
HYPOTHESIS DE ISLANDIAE
NATURALI

Origine Annectitur & Enucleatur.



§. I.

Ignem per interior-
rem Globum Ter-
raqueum diffusum
esse, cum Thermæ
Æstuentesque Fon-

Ignis Sub-
terranei
Materia.

tes, qui absque Igne existere nequi-
rent, tum maximè Montes & aliâ
loca Ignivoma, in terræ Superficie,
passim commonstrant.

§. II.

Ignis igitur in Penetralibus terræ sese accendit, unde necessariô adest materia ita constituta, ut motu suo Ignem concipiat, qvalis autem sit, latet adhuc.

Sulphur, Bitumen, Naphtha &c. cum Salibus adsunt in terrarum incendiis, & ad Subterranei Ignis violentiam contribuunt. Massam ê Sco-be Ferri & æquilibri Sulphure, bene commixtam & humectatam, si in-humetur, similes subterraneo Igni effectus producere, experimento à multis probatum est.

§. III.

Causa Ig-
nis Subter-
ranei.

Causam exortus Ignis esse Aërem; Camini Follesqve monstrant; non enim solum excitatur aeris motu, sed & sine aëre nullus existit, sunt quoque aliæ causæ exortus Ignis, ut aquarum illapsus & vastarum terræ portionum ruinæ. Paucis: Mater-riæ Gravitas, est causa Motrix So-piti Ignis.

§. IV.

Ex motu materiarum subterranea-
rum liqvet, spatia dari vel cavitates
sub

sub terrâ, quæ, ab Aqua, Aëre & Igne occupantur (§. III.) Hæ cavitates à superficie terræ sunt remotissimæ, interdum, aliquot Milliarium Germanicorum intervallo, ut ex Ignis in erumpendo vi, patescit, qui immensas terrarum moles, Montes & Saxa ejaculatur.

§. V.

Ignis subterraneus & aquâ, etiam si ob naturarum diversitatem cohabitare nequeant, in uno eodemque loco, tamen modicè disclusi, amicitiam fovent sanctissimam, viresque mutuo adaugent, quod Fontes fervidi & Ignivomi Montes confirmant.

§. VI.

Differt Ignis violentia, vel pro diversitate pabuli (§. II.), sulphur enim Gradus violentiæ Ignis Subterranei, & materiæ oleosæ, leniter ardent, Hali-Nitrum contra, cum horrendis Frigoribus & impetu: vel pro terrâ, ex quâ se proripit Ignis, nam Saxosa terra majus erumpenti Igni negotium faceffit, quam mollis & harenosa.

§. VII.

Quando terra in cursu Ignem retinet, reluctatur ille, causaturque Terræ motus causa,

Terræ motum, qui remotis ab Igne obstaculis, definit. Oritur etiam Terræ motus aquarum lapsu & terrarum ruina (§. III.) Utrumque sæpissimè Ignis producit, in longum latumque suffodiendo terram.

§. VIII.

Terræ motus effectus.

In his concussionibus, terræ dis-filiunt, quoniam earum fundamina disjiciuntur. Si in superficie aquæ adsint, disparent; Si cavitates subla-teant, absorbent terras; si aquæ, ut leviores, subsidente terrâ ad super-ficiem ascendunt, ibique formant Lacus.

§. IX.

Ignis eruptio.

Remotis omnibus impedimentis erumpit Ignis, æqvè in terris, quæ altiores sunt, ac in maris fundo, qui est depressior. Mare enim flammæ, non tantum non coërcet, sed & suâ falsedine, adauget & instimulat. Idem Aquæ Sulphurosæ & Bituminosæ præstant.

§. X.

Ignis ejec-tamenta.

Ignis Subterraneus maxima vi ad exitum penetrat (§. IV. & VI.), per consequens omnia, in ascensu, obvia, se-

secum extrahit, non solum ignescentes materias (§. II. & VI.), sed etiam alias terræ glebas, Metalla & Saxa, quorum partem, in cineres comburit vel calcinat. partem, Mineralibus & Metallis commixtam, in torrentibus effundit, qui, cum consistunt, in lapidem congelantur. Saxa etiam vastissima, quæ tam cito nequit Ignis pervadere, illæsa eructat, perfusa interdum Sulphuris Fuliginæ. Quasdam lapidum Species exedit Ignis, usque dum in pumices abeant. Quando in subaqueis locis (§. IX.) fit eruptio Ignis, limum egeritur, quod Sol, ardore suo exsiccat & indurat.

§. XI.

A Rejèctamentis Ignis (§. X.) obstruuntur antiquæ terræ, novæ autem cum Montibus, & in mari, Insulis, subrigunt se; eminus primum, cum major Ignis copia, majori vires, in se contentas, protrudat. Postremum vero ignis, gradatim langvescens, in ipso orificio exsævit, ibique relinquit Montem.

Terrarum
Generatio.

§. XII.

§. XII.

Terrarum
enatarum
constitutio.

Terræ, quæ in tali raptu oriuntur, situm & Figuram oppidò irregularem sortiuntur; saxa enim inæqualiter ejecta, abruptaque, totam interius molem cavernosam, exterius antris & fissuris hiantem reddunt. Hinc magna pars impluentis aquæ format Lacus atque flumina subterranea, quæ non raro se in mare exonerant. Similiter terræ in mari emersæ (§. IX. & X.) non tantum superius pluviam aquam imbibunt, sed & inferius Marinam, cujus Salsedinem si extrinseco mari aditus præcludatur, partim percolat terra, partim pluvia destillans diluit.

§. XIII.

Terræ
enatæ quo
modo fertiles
evadunt.

Terræ, Igne enatæ, etiam si vulgo non credatur, temporis longinquitate, fertilissimæ evadunt; nam Nix & Pluvia, illis ingerunt semina fructifera, variasque terræ particulas, oleo, Nitro, & aliis foetas Mineralibus, quæ, residuis illis (§. X.) immixta, terram foecundant. Terræ tamen cineribus obductæ Saxosis lon-

longe fertiliores evadunt, Propterea quod nix & pluviae, in montes delapsae, quaerunt valles & loca humilia, abreptis secum cineribus & favillis, quibus vallestrem terram commiscent, lactantque totam massam, ante dictorum Mineralium succis.

§. XIV.

Hoc terrarum genus, ut male fundatum (§. XII.) mutationibus semper est obnoxium. Radices Montium flumina, latera & fastigia procellae, obrodunt, evertuntque. Maxime vero, si Ignis subterraneus recrudescit, invertuntur; nam tunc ille, suis moliminibus (§. VII. & VIII.), male jacta terrae fundamenta diruit, & aquas subterraneas, & calentes & frigidas, producit, descendente in earum locum terrâ (§. VIII.).

Terrarum
enatarum
Revolu-
tiones.

§. XV.

Quando igitur, subtus adest materiâ, naturâ inflammabilis (§. II.) existente puta motrice causa, (§. III.), tum resævit Ignis Solito Furore (§. IX. X. & XI), & ita, in perpetuum, prae-

stinis ejectamentis, nova superingerit, erigitque sublimius terras.

§. XVI.

Islandia
Ignis sub-
terranei vi
evata est,

Cum jam Islandia, omnia, ita enatae terrae signa, præ se ferat, conclusi, hanc, eodem, ac illam, modo, protuberasse, si non ex omni, tamen ex parte maximâ. Hoc autem factum fuisse multis, antea quam inventa est, seculis, non tantum modo sylvæ maximè, quæ è saxetis ejectitiis, exustisque Montibus excretae sunt; sed &, quem in erumpendo, servat ignis, modus (§. XV.) luculenter ostendunt. In principio enim Insulae marisque scopuli extuberarunt, è quibus, in intervallatis Ignis eructationibus, aggestâ terrâ (§. XI.), in unum concrevit moles, quæ, adjectis subinde novis portionibus, in illam demum, quam videmus, altitudinem, exstructa est.

§. XVII.

Islandia
post inha-
bitationem
depravata
est,

Quod in majori flore steterit Islandia, antequam a Norvagis cœpit incolî, incendia ab illo usque tempore,

re, ad hodiernum facta, indigitant, quæ fertilissima Insulæ loca, magis ac magis depravarunt. Et forsitan, tantas revolutiones subierit, ut si quos habuisset incolas, superstites fuisse, nequaquam siverit. Hic est rudis meus conceptus, de primordiis Islandiæ. Plura, & in primis particularia, ipsæ post hæc enarrationes suppeditabunt.



PARTICULAE PRIMAE.

SECTIO PRIMA.

DE

ISLANDIAE NATURA ET CON-
STITUTIONE APERTIORI.

CAPUT PRIMUM.

DE

ISLANDIAE NATURA ET CON-
STITUTIONE IN GENERE.

MEMBRUM PRIMUM.

DE

ISLANDIAE SITU ET FIGURA,
IN GENERE.

§. I.

Islandiae
Magnitudo.

Islandia, post Britanniam, Insularum Arctoi orbis (a) maxima, respectu ad incolas, parva censenda est. In causa non est populi, sed soli sterilitas, & habitationi inimica constitutio, surgit enim ex undis maris aspera, muscosis, & frequenter Igne erosis saxis.

§. II.

(a) Islandia in 120 Milliarium Germanicorum longitudinem protenditur. Latitudo inæqualis est, nam in quibusdam locis (excepto Isthmo Vestfiordico), vix 30, in aliis contra 80 Mill. Germ. explet.

§. II.

Hinc non aliter spectari potest Islandia, quam vastus montium tractus, eminentium maris superficiem, in quorum vallibus, & declivibus oris, sedes habent, in compluribus locis, inter se disjunctissimas, Incolæ.

Montibus
Constat.

§. III.

Loca tamen illa montibus submissa, terra gaudent optima, quæ & gramine pingvisimo, & herbis, maximæ virtutis & Fragrantia, luxuriat, ita, ut forte multis terris, quæ sua fertilitate superbiunt, inter scabras suas cautes, palmam præferat. Hoc quomodo fieri possit, superius (§. XIII.) explicatum est.

Vallium
Fertilitas.

§. IV.

Islandia Figuram habet & Faciem, plane singularem valdeque inordinatam (Disc. Præl. §. XII.) congesta est e lapidibus rupibusque præruptis, porosis sæpius, & tristi ambustaque nigredine horrentibus, quibus intermixtæ sunt, cum pumicibus harenæ, rubræ, nigræ, albæ &c. ad fir-

B

man-

mandam structuram terræ (vid. Disc. Præl. §. X.)

§. V.

Montium
Situs.

Perpetuum Montium dorsum, a terminis orientis versus occidentem, in longitudinem excurrit, ex quo, utrinque, innumera ferme Promontoria, costarum instar prominent, totamque insulam sinuosam reddunt.

§. VI.

In Umbilico Insulæ, catena montium, in unum quasi nodum concurrat, ita ut magnum istud montium dorsum (En. Hist. §. V.), mediam distrahat terram, & cum Transversis illis montium jugis, in Quadrantes discescat. a (b) Quatuor mundi, quæ obiacent, cardinibus, denominatos.

§. VII.

(b) Hi Quadrantes ita nominantur: Australis, Sunlendinga, Siordungur, Orientalis, Austfyrdinga, Siordungur, Septentrionalis, Nordlendinga, Siordungur, & Occidentalis, Vestfyrdinga, Siordungur. In illos dispartita erat Insula Anno 963: vid. Landnæma, Bok Islendinga (quæ agit de primis incolis Islandiæ.) Part. I. Cap. 20. & Part. 5, Cap. 15. confer Schedas Ara

§. VII.

Tria sunt maxima Insulæ Promontoria: *Langa=nes*, longum Promontorium, *Quadrantem* Orientalem, a Boreali discludit. In Australi parte est *Kytia=nes*, Fumorum Promontorium. Et in Occidentali *Sna=fells=nes*, Nivei Montis Promontorium. Hic enim Situs est *Sna=fells=Jøtull*, Glacialis, omnium Insulæ montium, altissimus. Notum est præterea *Austur=horn*, Orientale Promontorium, & *Vestur=horn*, Occidentale.

Promontoria maxima.

§. VIII.

Ex illa Islandiæ plaga, quæ Occidenti est opposita, dorsum Montium (*§. V.*), se exporrigit, Isthmoque primum augusto, deinde laxiori spatio, Pen-Insulam constituit, altissimis longissimisque Promontoriis sinuosam, quæ eapropter, *Vest=Syrdet*, occidentales sinus, appellatur.

Pen-Insula. Vest-Syrdet.

B 2

MEM-

Preſſe Stroga Cap. 4. & Hæſna-höe
eis Saga Cap. 15.

MEMBRUM SECUNDUM

DE

ISLANDIA COMBUSTA IN
GENERE.

§. IX.

Montium
In Confi-
tutio.

Islandia, altissimorum Montium Vertices, nive semper & glacie, etiam æstivo tempore candicant. Ob-
rigent inferiora nigris disruptisque
saxis, tam fragilibus, ut ad mini-
mum lapsum diffiliant. Rupturæ,
vel saxorum interstitia, harena non
raro referciuntur. Montium Majo-
rum constitutio, minoribus conve-
nit.

§. X.

Deserta
Saxosa.

Circa Montes Islandiæ, deserta ja-
cent vastissima, Melino obducta mu-
sco, quæ Islandi *Hraun* vocant, à
Hrune, Ruina; Latine, quoniam
scabris Saxis constant, Salebras vel
Aspreta appello. Massa lapidea ni-
gricat, cavernulosa est interius, si
diffringatur, cavernularum intersti-
tia densa apparent; extrinsecus, sca-
brities salebrosa, scorix ferri est per-
quam simillima.

§. XI.

§. XI.

Hæc saxeta, in Ignis subterranei eruptionibus enata esse innumera exempla probant. Combusta non esse durities & cohærentia ostendit, sed potius fusa vel liqvefacta, quod varia massæ distortio atque transfiguratio, indicat. Cum jam lapis per se non sit liqvabilis, variæ Mineralium Metallorumque sordes, necessario adfunt, maxime Ferri, quod, ut impurissimum, quam cætera metalla, terram facilius admittit. Talis congeries, admiscetur massæ lapideæ, in subterraneis incendiis (Disc. Præl. §. X.), & extra Crateres Montium evomitur, in Ignitis torrentibus, quos *Steint-Flod*, lapideum Profluentum Islandi appellant, Loca vero *Graun* (En. Hist. §. X.) quæ hac Ignita materia, superfunduntur.

§. XII.

Circa Montium radices, lapides minores reperiuntur, quos *Vitur* & *Vitur-Kol*, appellant, leves & porosi, Latinis Pumices, quibus Ignis gravissimas lapidis particulas erosit, relictis levissimis terræ sordibus.

Pumices
Albi & Nigri.

bus. Duplex hic pumicum species: Nigra, durior, graviorqve, ad Hraunorum Naturam (§. X & XI.), propius accedit. Alba vero, exteris notissima, Danis ~~Pimpe~~ Stein, naturalem lapidis gravitatem prorsus perdidit. A Plinio describitur. Hist. Nat. Lib. 36. Cap. 21. (vid. Disc. Præl. §. X.)

§. XIII.

Planities
harenosæ.

Amant salebras harenosæ planities, varie coloratæ (En. Hist. §. IV.), quæ in colles concolores non raro assurgunt. Rubræ & Nigræ revera sunt cineritiæ, quæ, pro varia mineralium tinctura, colorantur; ruborem ab excocto sulphure vel minio, a fuligine vero exusti sulphuris, nigredinem, videntur accipere. Ejusdem generis cineribus, sive exustis comminutisque lapillis, spaciosissimi Insulæ tractus obducti sunt. Areæ vero cinericiæ, quæ saxeta illa liquefacta (Disc. Præl. §. X. & En. Hist. §. XI.), crebro distinguunt, alvei olim fuerunt liquefactæ materiæ. Præter planities rubras & nigras, in Montanis Islandiæ, Albæ, sæpius occur-

currunt, quæ, licet vulgo non observatum sit, albis pumicibus contritis (En. Hist. §. XII.) superinductæ sunt.

§. XIV.

Passim, in locis Islandiæ humilibus, Thermæ & Fontes æstuantes ebulliunt, & pro terræ, in qua scaturiunt, diversitate, diversam naturam induunt; quidam falsi & Aluminati, Sulphurati alii. Tanto complures fervore aguntur, ut non solum injecta quævis, in ahenis, cibaria, brevi percoquant, sed & ossa durissima, ut Equorum & Boum, calcinent.

Thermarum Situs & Natura.

CAPUT SECUNDUM.

DE

QVADRANTIS AUSTRALIS
NATURA ET CONSTITUTIONE.
MEMBRUM PRIMUM.

DE

QVADRANTIS AUSTRALIS MONTIBUS & SALEBRIS.

§. XV.

Hic Quadrans terminatur versus Orientem (c) Amne Jofuls = a; Australis termini, ver-

B 4

(c) vid. Landnæma Bof. Part. 4. Cap. 13.

versus Boream Jugis Montium Mediterraneis (§. V.); Occidentem vero, Flumine *Hvít-a* (d) i *Borg-ar-syrde*.

§. XVI.

Ad hujus partis litus appulit (e) Ingolfus, primus Incola & plures alii, ex Norvagis, qui in illo sedes fixerunt, &, cum multa invenerint Ignis Eruptionum signa, Fontesque calidos, locis inde nomina indiderunt, quæ hodie retinent.

§. XVII.

Montium
Natura.

Montes sunt in Australi Islandia maximi, nivei permulti, quos Ignem genuisse, non tantum exusta saxa & cineres, quibus tam ipsi horrent, quam circumjacentes terræ (§. IX. & XII.), sed &, quam nacti sunt; Figura inordinata (§. IV.), dilucide ostendunt.

§. XVIII.

In specie
Sfiold
bredi
Montis.

Unum Montem, exempli causa; afferam, qui, ab umbonis similitudine

(d) Landn. B. Part. 1. Cap. 20. &c.

(e) Landn. Saga Part. 1. Cap. 6. Schedæ
Ura Prests Stoda Cap. 1.

dine (f) *Skjalld=breydur* vocatur. Hic enatus est, in magna qvadam eruptione Ignis, in ipso loco, in qvo terra egressus est (Disc. Præl. §. XI.) Ambitus Montis, vix biduano itinere absolvitur; Acclivitas autem, qvæ minime ardua, in sphæricam verruculam pedetentim contrahitur, non secus ac ingens Saxorum cinerumque acervus, prætereuntibus apparet. Præter *Skjaldbredum*, Montes Nivosi, ut altissimi (En. Hist. §. IX.), ita clarissimi sunt enati: Versus Occidentem (g) *Geytlands=Jökull*; versus Orientem, in Tesquis *Kjal=vege*, (h) *Bla=fell*, & (i) *Þva=fiälla=Jökull*; Ignivomus Mons *Hefla*, olim, *Heflu=fell*, Ignobilis, hodie clarissimus.

B 5

§. XIX.

(f) *Sagan af Grettir Asmundarsyne Sterka* Cap. 59. & *Sagan af Barde Dumbsyne Snæfells=as*, Cap. 9.

(g) *Landnama Saga*, Part. 1. Cap. 21. & Part. 2. C. 1. vid. & *Grettis Saga* cap. 59. & *Bardar Saga* Cap. 9.

(h) *Saga Bardar Snæfells=as*, cap. 9.

(i) *Landnama Saga* Part. 1. Cap. 16. & *Sagan ap Niale Þorgests=syne*, Capp. 116, 119, 133, & 137.

§. XIX.

Salebræ
ab Igne
productæ.

Circa montes Australis Qvadrantis, tam Skialdbredum (§. XVIII.) quam alios, salebræ jacent vastissimæ, quæ, prius quam Islandia habitari cœpta est, enatæ sunt. Harum dimidia pars, non Australi, sed Boreali Islandiæ annumeratur. Ruri notissimæ salebræ, sunt sequentes. Prope Fluvium Svijt-a (§. XV.) (k) *Sraun* & *Srauns-as*, prædium. (l) *Sraun* a *Steidum*, non longe ab Episcopali sede, Schalholtis; & in litore, ut nomina (m) *Sraunsholts-lætur*, (n) *Svassa-Sraun*, (o) *Srauns-lætur*, (p) & *Sraungerde*, indigitant. Vastissimus salebrarum tractus, in Montanis Mediterraneis incipit, excurritque ad Forum generale, vulgo *al-þing*,
ubi

(k) *Landnama-Saga* Part. 2, Cap. 1. & Part. 1, Cap. 21.

(l) *Landn. Saga* Part. 5. Cap. 8.

(m) & (n) *Landn. Saga* Part. 5. Cap. 14.

(o) *Landn. Saga* Part. 5. Cap. 16. & *Gloa-mana-Saga* Cap. 6.

(p) *Landn. Saga* Part. 1, Cap. 17. *Gloa-mana-Saga* Cap. 21.

ubi (q) Ding-valla-Hraun, appellatur.

§. XX.

Notæ sunt præterea in hac parte sylvosæ montium ruinæ (r) Raudu-stridur, a rubris cineribus denominatæ. Plures quoque sunt, in hoc Quadrante salebrarum tractus, qui postea enati sunt; ut circa Heclam (§. XVIII.). In Paroecia Olvese; (s) Durrar-Hraun. In Promontorio Australi Kialarnese, (t) Nial-Hraun &c. Tamen hic notandum est, multo plures adesse salebras, quæ Antiquitates nostræ non memorant, occasione non data, & tamen exortæ sunt ante detectam Islandiam, tam in hac parte quam in cæteris.

(q) Nials-Saga Cap. 133. Confer. Kristendoms-Saga Cap. 11. & Sagat af Olase Ronge Triggvasyne Part. 2. Cap. 67.

(r) vid. Nials-Saga Cap. 32. & 84.

(s) Kristendoms-Saga Cap. 11. & Olase Triggvasonar-Saga Part. 2. c. 67.

(t) Kialnesinga-Saga Cap. 2. & 8.

MEMBRUM SECUNDUM.

DE

HIATIBUS IN SALEBRIS THING-
VALLENSIBUS.

§. XXI.

§. XXI.

Hiatus
Almanas
Gia.

Ab aliis Insulæ Aspretis secernunt
Ping=valla=Hraun (§. XIX.),
Hiatus illi vastissimi, qui in illis fre-
quenter occurrunt. Horum notissi-
mus est Almanas=gia, non longe a
conventu generali Al=pinge. Ab
occasu in ortum, rupes salebræ di-
ducunt; per unum fere Milliare Ger-
manicum. Latitudo, ubi maxima
Triginta passus explet. In imis ter-
ræ visceribus incipit dehiscere, præ-
ruptis Saxis, nisi e regione conven-
tus loci, ubi hiatus terra inferius,
posterius accreta, effertus est.

§. XXII.

Hiatus
Hrasna=
Gia.

Secundum illum sequitur Aquilo-
nem versus, Hrasna=Gia, ab oc-
casu in ortum similiter exporrectus,
prope deruptos Montes Hrasna=
Biaurg (e quibus procul dubio, to-
tum saxetum Ping=valla=Hraun
(§. XIX. & XXI.) ignis, evomuit),
maxime dehiscit, non tamen tanta
latitudine, ut (u) Almanna=Gia
(§. XXI.), versus Tesqa Ling=dals;
Heyde, duorum Milliarium Germa-
ni-

(u) vid. Niala Saga Cap. 125. 133-135.

nicorum longitudine, profunditate autem inexplorabili excurrit. Prædium (x) *Gia = bacfe*, ex hoc hiatu, in cujus situm est crepidine, sortitum est nomen.

§. XXIII.

Ambos hiatus (§. XXI. & XXII.) multi alii interjacent, id quod mirum est, omnes inter se paralleli. Hinc in Insigni quodam terræ motu (Disc. Præl. §. VIII.) simul omnes ortos fuisse nullus dubito, sed postea quam salebras eructavit Ignis, alias enim repleti fuissent & obruti ejus ejectionis.

Hiatum
Ortus.

§. XXIV.

Hanc meam sententiam confirmat immensa illa aquarum copia, quæ sub hoc universo stagnat tractu; non enim solum videri potest, in multis hiatibus, sed & si visus impediatur, demisso lapide, audiri aqua, quæ, cum Lacu Insulæ maximo, *Pingvalla = vatne*, jungitur. Pari modo hunc lacum, qui octo ad Novem Milliaria Danica est, in circuitu, in eodem motu terræ ortum esse opinor;

Lacus
Pingvalla
= vatne,
ejus natura
& origo

(x) Sagan af Herði oc þeim Holmvæ-
tium Cap. 10.

nor; nam universus salebrarum tractus, in lacum, cum hiatibus, pronus declinat. Hic idcirco in principio terra fuit, subtus autem vastæ cavitates aqua repletæ, constiterunt, quæ, desidente in concussionibus tractu, emerferunt (Disc. Præl. §. VIII.) Accedit quod duorum montium cacumina, extra aquam hodie superemineant; *Nesia-Ly* & *Sand-Ly*, quæ combustis cineribus rubris & nigris, saxisque in Igne inversis (Disc. Præl. §. X. & En. Hist. §. X. & XIII.), æque ac omnes circumnati montes, constant.

MEMBRUM TERTIUM.

DE
FONTIBUS ET RIVIS CALENTIBUS IN QUADRANTE AUSTRALI.

§. XXV.

Plures in hac parte Fontes calidos, offendisse veteres, nomina locorum propria significant, quæ, vel de Mephite & calidisque terræ exhalationibus, (*Keytium*), & Balneis (*Lau-gum*), vel calore terræ, (*Varma*), desumpta sunt. Sed tot tantasque mutationes, in Ignis eruptionibus & Quassationibus terræ, subiit hæc regio,

gio, ut certe hodie dignosci nequeant, antiquis, novæ.

§. XXVI.

In Nomarchia **Borgar = Fiar =** ^{Thermæ} **Sislu**, apud flumen **Hvit-a**, ^{Reyk-hol-} **(§. XV. & XIX.)** hodie notissimæ ^{tianæ, &c.} **Thermæ (y) Reykholts = Laugar**, veteribus usitatissimæ, quas celebris Historicus, Snorro Sturlæus, seculo Decimo Tertio, amplificavit, ita ut centum Hominum capaces sint, ornavitque muro & canali Lateritio, qui aquam calentem adveheret. Uterque hodie visitur. Sitæ sunt hæ thermæ, in valle. **(z) Myrdre = Rey = fia = dal**, quæ multis præterea Fontibus scatet. Huic collateralis **(aa) Sydre = Reyfia = dalur**, vallis fontibus fervidis abundans: hic est **(bb)** **Kros =**

(y) Landnama Saga Part. 2. Cap. 3. & 11. & Kristendoms Saga Cap. 11. 13.

(z) & **(aa)** Landn. Saga Part. 1. Cap. 20. 21. Sagan af Herþe Holmverias Kappa Cap. 1. 2. & 22. Hænsna Þorris Saga Cap. 9. & 13, Miala Cap. 2. 8. & 12.

(bb) Kristendoms Saga Cap. 11. & Sagan af Olase Ronge Triggvasyne Part. 2. Cap. 67.

Krof=Laug, balneæ limpidaë & salubres, in quibus Anno Christi Millesimo, Islandiæ Occidentalis Incolæ, abominantes aquam frigidam, sacro Baptismate abluti sunt, unde Balneis Crucis nomen erat impostum. In hac quoque Nomarchia situs est (cc) **Varme=lafur**, calens rivus, cum prædio ejusdem nominis.

§. XXVII.

Thermæ
Sudur,
nesiæ.

In promontoriis **Sudur-nesium**, plurium Thermarum mentionem faciunt antiquæ Historiæ. Prædium (dd) **Laugarnes**, a propinquis balneis denominatum est. Submissæ, præacuto monti **Æsiu=fiælle** & **Laugar=Gnypu**, (ee) Balneæ amœnissimæ a veteribus describuntur. Item propè sinum (ff) **Kolla=fiôrd**, **Kolla=fiardar=Laug**. Magnum istud promontorium (gg) **Keyta=nes** (§. VII.)

(cc) vid. *Landnama Saga* Part. I. C. 20.

(dd) *Tiðals Saga* Cap. 11. & 14.

(ee) & (ff) *Sagan af Bua Æsiu=fostra* Cap. 3. 5. 7. & 8.

(gg) *Landnama Saga* Part. I. Cap. 18. & Part. 5. Cap. 14. conf. *Dornesinga Saga* Cap. 4. & *Olafs Saga Triggva=sonar* Part. 2. Cap. 61.

(§. VII.), & (hh) *Keytia=Djst*, sedes primi Islandiæ Incolæ, Ingolfi (§. XVI.) & posterorum ejus, a calidis aquarum evaporationibus, nomina traxerunt.

§. XXVIII.

In Nomarchia *Arnes*. *Sissu* innumeræ fere thermæ, ut in Parœcia *Olvese* (§. XX.) Amnis calidus, (ii) *Varma*, prope exustum Monticulum, (kk) *Ingolfs=fell*, in cuius summitate, hodie, Ingolfi (§. XVI. & XXVII.) tumulus, Ducen-tarum Orgyjarum, in circuitu, vi-situr. (ll) *Vellande=Køtlur*, ebul-lientes cacabi, prope lacum *Ping-valla=Vatn* (§. XXIV.), antiqvis (mm) *Ol=fos-vatn*, & Prædium, (nn) *Gia-backa* (§. XXII.), a pleris-

Thermæ
Arnesicæ.

C

que

(hh) *Landnama*: Saga Part. 1. Cap. 8.
Schedæ *Ura*: *Prests*: *Frøda* Cap. 1.
Holmveria: Saga Cap. 8.

(ii) *Landnama*: Saga Part. 5. Cap. 13.

(kk) *Landn.* Saga Part. 1. Cap. 7.

(ll) *Kristendoms*: Saga Cap. 11. Sche-dæ *Ura* *Prests* *Frøda* Cap. 7. *Olafs*
Triagvasonar: Saga Part. 2. Cap. 67.

(mm) *Landn.* Saga Part. Cap. 8. confer.
loca citata sub Lit. (L).

(nn) *af Niale Þorgestsýne* Cap. 96.

que thermis accensentur, quas nunquam hic exstitisse, nec, propter salebrosæ terræ cavernositatem existere potuisse, existimo. Ad aquam vero frigidam, quæ in parva quadam lacus inclinatione, e cavernoso fundo ebullit, nomen *Vellande-Køst-lur* majori jure referuntur.

§. XXIX.

In eadem nomarchia, prope Tesqva Lingdalica (§. XXII.), sita est (oo) *Langar-dalur*, Balnearum vallis. Hic clarissimum prædium *Keyter* & (pp) *Keytia-laug*, Thermæ, in quibus, similiter ac in *Kros-laug* (§. XXVI.), Anno Millesimo, Islandiæ Australis, Orientalis & Septentrionalis, Incolæ, conversi ad religionem Christianam, baptizati sunt. Abhinc non longe (qq) *Laugavatn*, Balnearum lacus. Prædia, (rr) *Keyter*, in Parœcia, *Bistups-Tungum* & (ss) *Keyter*, in Parœcia,

(oo) *Landnama-Saga* Part. 5. Cap. 12.

Hardar-Saga Cap. 9. & 10. *Schedæ*
Alta Prests Froda Cap. 6.

(pp) *Kristendoms-Saga* Cap. 11. & *Oslafs Saga Triggvasonar* Part. 2. c. 67.

(qq)(rr)(ss) *Nials-Saga* cap. 124. & 116.

de Quadr. Orient. Montibus & Salebris.

35

cia, *Steydum*, a calidis Fontibus, nomen invenerunt.

§. XXX.

Thermæ & calentes aquæ, tam in hoc Quadrante Islandiæ, quam in cæteris omnibus, enumerantur, ad ostendendum Insulam, non hodie modo, sed etiam in primis temporibus, connata, intrinsecus ignita materia (Disc. Præl. §. I. & II.), scatuisse, idque in illis præsertim locis, quæ evidenter ab Igne sunt extuberata, (Disc. Præl. §. XII. & XIV.)

Thermæ
quare enu-
merantur.

CAPUT TERTIUM.

DE

QVADRANTIS ORIENTALIS
NATURA ET CONSTITUTIONE.
MEMBRUM PRIMUM.

DE

QVADRANTIS ORIENTALIS MON-
TIBUS ET SALEBRIS.

§. XXXI.

U t in proxime antecedenti capite monstratum est, Australem Islandiam, Montibus exustis & ab Igne productis, usque quaque efferri, salebris horrere egestitiis, Thermis

Quadrantis
Orientalis
termini,

scaturire, ita, ut inibi Vulcanum ipsum suam primo officinam, instituisse crederes: Sic in præsentî capite monstrabitur, quod Orientalis terra eodem prorsus modo exorta sit, similemque Naturam & Constitutionem habeat.

§. XXXII.

Montium
Orientalium
Situs.

E vasta illa catena montium, quæ in umbilico Islandiæ eminent (§. V.), versus Orientem porrigitur immanis Montium tractus, quorum cum apices, perpetua obtegantur glacie, Austur: Jökla Islandi appellant, quique Quadrantem Orientalem & Aquilonarem disternant. Incipiunt cum Eyja-fialla: Jökla (§. XVIII.), & denique, quasi lunato flexu, in Promontorium longum, sive (a) Langa-nes (§. VIII.) desinunt, ubi per Tesqva (b) Seltun-du: Heyde, Diœceses & Quadrantes distinguuntur.

§. XXXIII.

Eorum ortus atque
constitutio

Universa montium Orientalium juga, quondam egississe Ignem, Atra-

(a) Landnama: Bofar Part. 1. Cap. 1.

(b) Landnama: Bofar Part. 4. Cap. 1.

Atratae & male cohærentes rupes indicant, quæ, sine ullo ordine coacervatae, sæpe corruunt. Pumicum cinerumque hic immensa adest copia (Disc. Præl. §. X.) quorum magna pars postea eructata fertilissima submissæ terræ spacia operuit, quæ hodie (c) *Sol-heima-Sandur*, *Lo-magnups-Sandur*, & *Breyda-mertur-Sandur*, appellantur. Nam e pluribus Jöklis, sive Nivosis montibus erupit Ignis, quales sunt: *Oræsa-Jökull*, *Sol-heima-Jökull*, *Knappa-fells-Jökull* & *Mir-dals-Jökull*.

§. XXXIV.

Aspreta, quæ in hac parte, priusquam habitabatur, Ignis produxit, & quorum mentionem nostra monumenta injiciunt, notissima sunt Sequentia: In Nomarchia, *Skapta-fells-Sislu*, & Territorio *Nedallande*, Palustri loco, *Kringlu-Miire*, (d) Saxeta Ejectitia circumjacent. (e) Alpta-verenses Salebræ

Aspreta
Skapta fel-
lica.

C 3

post-

(c) *Landnama-Saga* Part. 4. Cap. 5. & *Nials-Saga* Cap. 116.

(d) *Nials-Saga* Cap. 139.

(e) *Landnama-Saga* Part. 4. Cap. 12.

postea enatæ sunt. Non longe a cœnobio, *Kyrkiu-bæ*, jacet Salebro-sus tractus (f) *Bödmods-Hraun*, a Bödmodo, primo vicinæ terræ occupatore denominatus.

§. XXXV.

Aspreta
Mulca,
Ruralia.

Nomarchia *Mula-Sysla* aspre-tis vastissimis obriget. Ruri propin-quiora sunt (g) *Örar-Hraun*, (h) *Fljots dals-heydar-Hraun* & (i) *Svidin-horna-Hraun*, quod val-lem *Fljots-dal*, & sinum *Alpta-fiörd*, interjacet. Hoc Saxetum, primi hujus terræ Incolæ, *Sviden-hornii* nomine insignitum, ambitu suo 12 Milliaria Danica explet, ægre pervium transeuntibus.

§. XXXVI.

Aspreta
Mulca
Montana.

Sunt in montanis Orientalibus, salebræ, totius Insulæ facile spacio-sissimæ, *Ödada-Hraun*, quæ in latitudinem, per transversum Mon-tium dorsum (§.XXXII.) sese expli-cant,

(f) *Landnama-Saga* Part. 4. Cap. 11.

(g) vide *Njala* Cap. 122.

(h) *Sagan af Rafn-Katle Freis-Goda* Cap. 8.

(i) *Landnama-Saga* Part. 4. Cap. 7. & *Njala* Cap. 1226.

cant, viginti Milliarium Danicorum spatio, adusque terminos Septentrionales; in longitudinem vero per Qvadraginta, circiter, Milliaria versus australes montes projectæ sunt. Maxima earum pars, ante inhabitationem exorta est, quod montes & colles, quibus efferuntur, cineritii, indigitant (Disc. Præl. §. XI.) O-dada-hraunum, Deserta, **Oræse** κατ' ἐξοκὴν dicta, ab Oriente excipiunt, saxis passim, liqvefactis (Disc. Præl. §. X. & En. Hist. §. XI.), exasperata. Totæ hæc vastities frequens est, exustis montibus, inter quos notissimus est **Herda-breydur**, postea Ignivomus, qui ab Humeri similitudine, nomen obtinuit. Ab hinc non longe situs est Lacus, itidem Ignivomus, **Trølla-dingiur**, Gigantum acervi, a collibus ita dictus, cineritiis, qui in illo, atque circa illum, eminent. In his quoque Montanis jacent Tesqua (k) **Mødru-dals-Heyde**, Saxis & rupibus egestitiis, confragosa.

C 4

MEM-

(k) vid. Sagan, af Porsteine Zviſta cap. 3.

MEMBRUM SECUNDUM.

DE

QVADRANTIS ORIENTALIS
THERMIS ET AMNIBUS SULPHURATIS.

§. XXXVII.

Flumina
Sulphurata.

De Aqvis Ferventibus, in hac Insulæ plaga, non multa sciverunt primi Islandi, nec sciunt hodierni. Unicus tantum locus, (qvoad mihi notum est) hic existit, in Nomarchia *Mula-Sislu*; vallis nimirum (1) *Rasnfels-dalur*, nunc (terræ motu, ut ratio svadet), deserta. Hic olim situm erat prædium *Adal-bol*, & brevi, ab illo, spacio, *Laugarhus*, balnearum domus. In hac valle hodie supersunt Thermæ amænissimæ.

§. XXXVIII.

Quadrans tamen Orientalis, hoc, præ cæteris, singulare habet, qvod ejus Flumina nobilissima, tam gravem, ut eum viatores, ab aqua, unius Milliaris Germanici intervallo distantes, sentiant, juxta vix tolerabilem, Fœtorem sulphuris emittant.

(k) vid. *Landnama-Saga* Part. 4. Cap. § & 13.

tant. Duo horum Fluminum, *Jøfuls-a*, a *Sol-heima-Sande* & *Jøfuls-a*, a *Breyda-mertur-Sande* (§. XXXIII.), transeunt, tali præprimis graveolentia, vexant, Hinc quoque (m) prius flumen, *Sula-læf*, Fœtentem Rivum, dicebant veteres.

§. XXXIX.

Liqvet hinc totum hunc montium tractum esse & fuisse sulphur^{Montes}osum, non enim in montibus tan^{interius}tum, sed & in submissis desertis (§. XXXIII.) integræ sulphuris glebæ occurrunt, quas e penitissimis montium recessibus, aqua secum rapuit. Cum vero continuo, Amnes, in mare sulphur, devehant, & id absque minima intermissione vel deminutione notabili, ecquis difficulter perspiciet, quam fuerit effrænata Ignis rabies, qui in principio tam immensum sulphur, congestit?

C 5

Ca-

(m) vid. *Landnama Saga* Part. 4. Cap. 5. & 13.

CAPUT QVARTUM.

DE

QVADRANTIS BOREALIS
NATURA ET CONSTITUTIONE.

MEMBRUM PRIMUM.

DE

QVADRANTIS BOREALIS MON-
TIBUS & SALEBRIS.

§. XL.

Qvadrantis
Borealis
Termini.

Hæc Islandiæ pars, qvæ versus Oc-
cidentem terminatur amne *Gruta-
fiardar-a*, & sinu (a) *Gruta-fyrde*,
in qvem decurrit, cum Qvadrantibus
Australi & Orientali, simul sum-
tis, unum acervum constituit. Ju-
ga enim montium continua (§. V.)
qvæ mediam Islandiam dividunt,
Aqvilonari plagæ, tanto jure, ut
Australi & Orientali, accensentur.

§. XLI.

Tesqva
celeberri-
ma, eo-
rumqve
Natura.

Partem idcirco dimidiam, mon-
tuoſi illius dorsi, (§. V.) Boreali pla-
gæ adscribere convenit. Hoc dor-
sum, æqve ac ab Australi & Orien-
tali latere (§. XVII. & XXXIII.), ita
ab hoc, surgit gradatim, egestitiis
&

(a) vid. *Landnama-Saga* Part. 3. Cap. 2.
conf. *Vatns-dæla-Saga* Cap. 5.

& exustis montium Articulis, quibus aspreta & cineres crebo intersternuntur. Prima hic deserta *Græse & Odada-Hraun*, cum suis montibus occurrunt (v. §. XXXVI.). In specie noti sunt in hoc dorso, exusti montes, ut inter Nomarchiam *Ding eyar-Syslu & Skaptafells-Syslu*, (§. XXXIV.), per quos angustum iter (b) *Donar-Skørd & Bardar-Gata*, ab antiquis inventum est. Frequentissime autem Islandi, tam ex Nomarchia, *Skaga-fiardar* vel *Hegra-nes-Syslu*, quam ex *Huna-vatns-Syslu*, per *Tesqva* (c) *Kiøsl* vel *Kialveg*, & (d) *Sand*, in Australem plagam iter faciunt. *Tesqva Kialvegur*, enatis undique montibus efferuntur, horrentque (e) *Kial-Hraune*, Saxeto patentissimo. *Sanduren* autem maxi-

(b) *Landnama-Saga* Part. 3. Cap. 18. & Part. 4. Cap. 10.

(c) *Landnam. Saga* Part. 3. Cap. 7. & 8. Confer. *Sagan af Greter Asmundar-syne Sterka* Cap. 54. & 56.

(d) *Landnam. Saga* Part. 3. Cap. 8. & *Niala* Cap. 119.

(e) *Landnama-Saga* Part. 3. Cap. 7.

maxime combustis lapillis, comminutisque pumicibus (§. XIII.) obrutus est. Similiter Tesqva longissima (f) *Arnar-vatns. Heyde* & (g) *Tvii-dægra*, per quæ, e Nomarchia *Hu-na-vatns. Sislu*, in sinum *Bor-gar. Fiord*, iter dirigitur, Montibus, collibus & saxis ejectitiis horrent. Summa: Universa montana, quæ Viginti, Triginta, & ulterius, Milliaria Danica, lata sunt, tama ex illa parte, quæ Australi, quam ex ea, quæ Orientali, & Septentrionali, ad-versa est, Igni suam debent Originem.

§. XLII.

Aspreta
Thing cy-
ensia.

In Terra Septentrionali, quæ habitata est, non minora nec pauciora apparent vestigia Ignis sævitæ, in specie, in Nomarchia *Ding-eva. Sislu*. Longissime hic ver-

(f) *Sagan af Hørde. Holm veria Kap-
pa Cap. 33. Sagan af Olase Ron-
ge Triggva. syne Part. 2. Cap. 98. Sa-
gan af Greterre Sterka Cap. 55.*

(g) *Sagan af Greterre Sterka Cap. 18.
& 49.*

versus Orientis fines, in Paroecia (h) *Mel-racka-Slettn*, a vicinis Salebris, portui (i) *Hraun-Höfn*, nomen est impositum. Prætera, exusti enatique montes, (k) *Raudn-Skridur*; a rubeo colore cinerum (§. XIII.), denominati sunt. Circa lacum Ignivomum (l) *Mii-Vatn*, montes sunt exusti, *Krasla*, *Leir-hnufur* & alii, qui Ignivomi postea, universam viciniam & Paroeciam *Greniadar-stadar-Söfn*, liquefacta materia (Discur. f. Præl. §. X. & En. Hist. §. XI.) superfuderunt. Sed ante quam habitata est hæc regio, et-

(h) *Sagan af Þorsteine Zviita* Cap. 2. conf. *Sagan af Hallfrede Vandræda Skallde.* & *Sagan af Olase Triggvas* syne in Appendice.

(i) *Landnama-Saga* Part. 3. Cap. 20. & *Sagan af Rafne og Gunnlauge Orms-tungu* pag. (mihi) 28,

(k) (l) *Landnama-Saga* Part. 3. Cap. 20. & *Sagan af Vemunde og Vigas Skutu* Cap. 1.

(m) *Landnama-Saga* Part. 3. Cap. 20. conf. *Viiga-Elums-Saga* Cap. 9. & 10. & *Sagan af Vemunde og Vigas Skutu* Cap. 1. 10. &c.

etiam-enatas fuisse salebras, certum est, tam ex duobus illis (n) scopulis, in ipso lacu, quam ex Tesqvorum (o) Hraunna·Heyde & prædii (p) Hrauns·Aß, appellationibus.

§. XLIII.

Nomarchia Dadla·Sysla, etiam si Hraunis non scabrata sit, tamen exultis gaudet montibus, inter quos notissima sunt promontoria (q) Kei·ne·nes & Siglu·nes, quæ sinum, Eya·fiörd constituunt.

Aspreta
Skaga-fior-
dica.

Parimodo, Montes in Nomarchia Hegra·neß·Syslu, qui Mediteraneis non connectuntur, grassantis olim Ignis, signa præ se ferunt evidentissima. Ejus generis est Nivofusus ille mons in Tesqvis (r) Hiall·ta·dals·Heyde, & Tinda·stoll, Maritimus, in quo diversissima terrarum genera, commixta reperiuntur.

(n) Viga·Stutu·Saga Cap. 21. & 22.

(o) Landnama·Saga Part. 3. Cap. 19.

(p) Vemundar·Saga og Viga·Stutu Cap. 2.

(q) Landnama·Saga Part. 3. Cap. 12. & Sagan af Barde·Snæ·fells·Aß Cap. 9. Olafs·Saga Part. 2. Cap. 11. & 66.

(r) Landnama·Saga Part. 3, Cap. 10.

tur. Hic etiam sunt salebræ per antiquæ, a quibus villæ, quæ a *Hraunnum* dicitur, appellatio desumpta est.

§. XLIV.

Nomarchia *Huna-vatns-Sysla*, effertur montibus, qui, situ suo inordinato, nec non nigredine fuliginosa, pristini incendii vires denotant. Non prætermittendum est Promontorium (s) *Vatns-nes*, cuius derupta & in se pendentia saxa, tantum ignis furorem sustinuerunt, ut propria ruentes mole, in minutissimos lapides disfiliant.

Aspeta
Huna-vat-
nica.

MEMBRUM SECUNDUM.

DE

QVADRANTIS BOREALIS
THERMIS & BALNEIS.

§. XLV.

Plures in hac parte Islandiæ, Thermas & Balneas, primi Incolæ invenerunt. Nomarchia *Ping-eyar-Sysla*, ut Ignis furores maxime experta est, (§. XLII.), ita Fontes calentes magno numero, Scaturivit.

Therma
Thinge-
yenos.

Hoc

(s) Landnama Saga Part. 3. Cap., 1. & Þornefinga Saga Cap. 60.

Hoc ostendit vallis (a) *Keyfia-dalur*, in qua situm est prædium (b) *Keyfia-Hlið & Balneæ* (c) *Litlu-og Storu-Langar*. In (d) *Liosavatns-Starde*, balneæ antiquis notæ. Tesqva immania (e) *Keyfia-Heyde*, & (f) *Keyfia-hverfi*, (ubi hodie *Keyfia-Langar* & maxime Fons, fervore exæstuans, *Ura-Hver*, celebrantur), a Thermarum ex halationibus denominantur.

§. XLVI.

Thermæ valleses. In Nomarchia Eyafjordica, vulgo *Dadla-Syslu*, mentio fit in nostris an-

(a) *Landnama-Saga* Part. 3. Cap. 19. & *Viga-Skutu-Saga* Cap. 29. *Kristendoms-Saga* Cap. 1. *Bardar-Saga*, *Sna-fells-as* Cap. 4.

(b) *Landn. Saga* Part. 3. Cap. 20. conf. *Viga-Skutu-Saga* Cap. 17.

(c) *Sagan af Demunde og Viga-skutu* Cap. 1 & 29.

(d) *Sagan af Demunde og Viga-skutu* Cap. 11 & 13.

(e) *Sagan af Grettir Asmundar-Syne* Cap. 61.

(f) *Sagan af Þorgeire Lios-Verninge og Gudmunde Ríkja* Cap. 6. & 10. *Demundar-Saga* Cap. 6. *Grettis-Saga* Cap. 61.

antiquitatibus thermarum complu-
rium, quæ Ignitam subitus fuisse ma-
teriam indicant. Ad sinum *Lya-*
fiord anteriorem, prope Flumen
Lya-fiardar-a, hodie *Thermæ (g)*
Krist-ness-laugar, notæ, quas ad
balneas (h) *Hrasna-gils-laugar*,
antiquitati usitatissimas, Veteres re-
tulisse puto. Altrinfecus, ad eun-
dem fluvium, e regione prædii *Sto-*
cfa-bladir, cœnobium nobilissi-
mum *Mufa-pver-a*, in cujus vi-
cinia balneæ (i) *Mufa-pver-ar-*
laugar & vallis (k) *Laugar-dalur*,
memorantur. Prætera mentio fit
balnearum, in valle *Hörgar-dal*,
prædio (l) *Lauga-lande*.

§. XLVII.

In Nom. *Staga-fiardar-syslu*, Thermæ
Vadlenses.
hodie commendantur balneæ *Key-*
fia-laug, prope prædium *Keyfe*,
in valle *Hjallta-dal*, non longe ab
D Epi-

(g)(h) *Viga-Elums-Saga* Cap. 1. 10.
19. 24.

(i) (k) *Sagan af Demunde og Viga-*
Stutu Cap. 16. *Viga-Elums-Sa-*
ga Cap. 1. 10. 19. 24.

(l) *Sagan af Demunde og Viga-Stu-*
tu Cap. 13.

Episcopali sede, Solum, de quibus nihil inveni. Sed prædium (m) Langar=brecka, (n) Reykia=hvöll & Reykia=a, balneæ Dalla=lang (o) apud Forum Veterum Hegræ=nes=Ding, (p) Reiter, Reykia=nes & Reykia=lang, in parœcia Reykia=Strönd, atque (q) Reykiar=Stard, montana via, inter Nomarchiam Skaga-Fiordicam & Hunavatnicam, olim erant notissima.

§. XLVIII.

Thermæ
Huna-vat-
nicæ.

In Nomarchia Huna=vatns=syflu, ad sinum Mid=fiörd, Thermæ sunt, ut nomen prædii (r) Reyker, indicat, ubi habitabat vir strenuissimus, Mid=fiardar=Stegge, qui Hrolfi Kraka, Danorum Regis, in Siolandia Tumulum ingressus, optimum

(m) Dornesinga Saga Cap. 64.

(n) Landnama Saga, Part. 3. Cap. 11.

(o) Lios=verninga Saga Cap. 25.

(p) Sagan af Grettir Asmundar=syne Sterka Cap. 67.

(q) Greta Cap. 64.

(r) Landnama Saga Part. 3. Cap. 1. Kormaks Saga Cap. 6 & 8. Olafs Triggvasonar Saga Part. 1. cap. 168. Bardar Saga Cap. 6. 11. & 13.

mun gladium, *Stofnung*, asportavit. Hic (s) balneæ, humanis usibus accommodatæ, a Veteribus frequentabantur, quibus (t) *Langarfit*, amœna planities, circumjacet.

CAPUT QUINTUM.

DE

QVADRANTIS OCCIDENTALIS NATURA ET CONSTITUTIONE.

MEMBRUM PRIMUM.

DE

QVADRANTIS OCCIDENTALIS MONTIBUS & SALEBRIS.

§. XLIX.

Hæc Insulæ pars vastissima, quæ cum sinu *Hruta = fyrde* incipit (§. XL.) finiturque Amne *Hviita i Borgar = fyrde* (§. XV.), quæ Argenti opponitur, angusto primum dorso contracta, in terram deinde Montosam sinuosamque, *Vest = fyrde* sese explicat (§. VIII.), de qua sigillatim agetur.

Quadrantis Occidentalis Termini.

D 2

§. L.

(s) Sagan af Þorde Hreðu Cap. 21. 3.
§. 8 & 12.

(t) Sagan af Grettir Sterka Cap. 31.

§. L.

Dividitur hæc terra, in Tres Nomarchias, **Stranda-syslu**, **Isa-fiardar-syslu** & **Barda-strandar-syslu**. E catena illa exustorum montium mediterranea (§. V.) per Tesca non spaciofa (a) **Gafl-fells-Heyde**, bimaria, (paucorum enim Milliarium intervallo finum borealis maris (b) **Bitru**, a finu maris Occidentalis, maximo (c) **Breyda-fyrde**, discludit,) discurrunt ramorum instar longissima Promontoria.

§. LI.

Natura
Pen-Insulæ
Vest-fior-
dicæ.

Etiamfi in toto hoc tractu, Salebræ non inveniantur, excepto angusto spatio ad finum **Dra-fiord**, in Nomarchia Isafiordica, à quo prædium **Hraun**, & nobilis olim **Hraun-Sveinorum** familia, nomen traxisse videtur, tamen universæ Pen-Insulæ natura & constitutio declarat, illam, in simili plane revolutione
ac

(a) **Pornesinga-Saga** Cap. 61.

(b) **Landnama**, **Boþ** Part. 2. Cap. 20. & 32. **Kormaks-Saga** Cap. 11

(c) **Landnama**, **Saga** Part. 2, Cap. 12. **Eyrbyggja** Cap. 4.

ac aliis, quæ terram Islandicam formarunt, protuberasse. Mons enim Glacialis **Glama**, qui sua magnitudine, soli **Snæfells-Jökli** (§. VII.) cedit coacervatus est, e nigratis æstu saxis, quorum non raro interstitia, contritis pumicibus & cineribus, differta sunt. Situs est insuper Glama, ex adverso Isthmi (§. V. & L.), in Nomarchia Ifafiordica, ubi Peninsula suis se promontoriis exporrigere incipit. Cum jam Glama Mons, in Insigni Ignis evomitione enatus sit, svadet ratio, Ignitæ materiæ, magnum sublatuisse penuarium, ex quo Ignis, quasi radiatus, proserpsit, formavitque suis eruptionibus Promontoria, Glamam autem denique in medio.

§. LII.

Hanc rem optime enodat Promontoriorum forma & exusta facies. Nam omnia a Glama excurrunt, æquali prominentia, æqualique altitudine, quæ, acervi instar harenaei, in apicem præacutum deficiunt. Constant cineribus, & lapidibus in incendio dissolutis, minori saxorum

In Specie
Promon-
toriorum.

compage, unde, nutantes, ut male statuminatæ, persæpe corruerunt moles, obviaque ædificia superobruerunt.

§. LIII.

Selebræ
curni ad-
sint.

Quod nullæ hic adsint salebræ, non mirandum, quando enim promontoria surgunt e mari, salebræ, ut liqvesactæ (Disc. Præl. §. X. & En. Hist. §. XI.) in fundum maris, ut humiliorem, defluunt. Plurimæ quoque dantur terræ, in quibus non pauca Islandiæ loca ponenda sunt, quæ, cum Ignis subterraneus, ejusmodi materia liqvesacta non gaudeat, nullis Hraunis obducuntur.

§. LIV.

Possunt etiam enatarum regionum salebræ, longo temporum successu, terra obtegi, quod supra (Disc. Præl. §. XIII.) monstratum est, & inferius, specialibus in Islandia exemplis monstrabitur. Accedit ad hoc, quod præter alia Insulæ loca (§. III.), valles & litora Vest-fiordorum, tanta fertilitate gaudeant, ut Grelada, Biartmeri comitis Irlandi Filia, quæ cum marito suo sinum nomarchiæ

Bar-

Bardastrandicæ, (d) *Arnar = fiord*, West-flor-
dorum
fortilibus.
incoluit, terræ, præ hybernica, bonitatem, admirata sit.

§. LV.

Ipsam mare Breydafiordicum (§. L.), ut ab eâ partē, quæ Pen-Insula est opposita, ita reliquæ, (e) montibus exustis cingitur. Excipit Nomarchiam, Bardestrandicam, *Dalla-Sysla*, vulgo (f) *Breyda = fiardar = daler*, Terra amœnissima vel Sola amœna in Islandia. Montes habet inter se parallelos cum vallibus, quæ solo gaudent roscido rivisque frequenter irrigatæ, omnifarias herbas proferunt. Montes tamen hujus Nomarchiæ, non sublimēs, passim sunt cineritii exustamque habent faciem. Inter illos Promontorium bifidum (g) *Stards, Klofningar*, notissimum.

Valles
Breyda-
fiordicæ,

D 4

§. LVI.

(d) De hoc *Landnama-Saga* P. 2. c. 26. ita: *Þar þótti Græloþo Þunangs Almur ör Grasi.* Hoc est: Ibi *Græladæ* videbatur Gramen, mellis Fragrantia redolere.

(e) *Eyrbyggja-Saga* Cap. 4.

(f) *Nials-Saga* Cap. 1.

(g) *Landn. Saga* Part. 2. Cap. 19. & 20.

§. LVI.

Cum hac vellestri terra montes
 continuantur, ad Nomarchiam
 Sna=fells=Syslu & Promonto-
 rium ejusdem Nominis (§. VII.), ubi
 prima occurrit Paroecia Helga=fells-
 Sveit, & collis Veteribus Sanctus,
 (h) Helga=fell, in quo post mor-
 tem se jucundissima vita fruituros
 esse credebant. In hoc tractu montes
 sunt omnes, evidenter enati, ru-
 bentque cineribus. Sic (i) Drapu-
 bliudar=fiall, argilla lapidibusque
 varie concretis & multicoloris, re-
 fertus est. Magna hujus Paroeciæ
 pars, qua adjacet montibus, salebro-
 sa est, unde (k) Graun, prædium,
 (l) Grauns=fiordur & (m) Grauns-
 os, nuncupata sunt. Clarissimum
 est aspretum (n) Ber=fertia-Graun,
 à duo-

Mons San-
 ctus.

Aspretum
 Berferko-
 sum

- (h) Landnama Saga Part. 2. Cap. 12.
 confr. Eyr=biggia Saga Cap. 4.
 (i) Landn. Saga Part. 2. Cap. 11. conf.
 Eyr=biggia Saga 7. 9. & 27.
 (k) (l) (m) Landn. Saga Part. 2. Cap. 10.
 & 11. & Eyr=biggia Saga Cap. 14.
 27. & 31.
 (n) Viga=Stirs=Sögu Fragmentum &
 Eyr=biggia Cap. 32.

â duobus Fratribus, Berserkis, five giganteo furore valentibus, denominatum, quorum stupenda prorsus laboris herculei vestigia & Tumuli, hodie, post, circiter septingentos sexaginta Qvinque Annos, visuntur. Conjugii enim spe allekti, per transversum Saxetum, in Duorum Milliarium Germanicorum longitudinem, aggerem terminalem jecerunt, viamque per invia planam reddiderunt, exantlato autem opere structis Infidiis, sunt interfecti.

§. LVII.

Similiter montes reliqui in *Straßfells=ness*, (§. VIII.), litore, enati sunt, ut (o) *Trolla=Hals*, Gigantum collis, (p) *Kol-grafa-fiall*, (q) *Kyrkiu=fell*, Danis *Sukker-Top* & (r) Promontorium altissimum *Bulands=Höfde*, in cujus præcipitio, iter est angustum & periculosum.

D 5

§. LVIII.

(o) *Landnam. Saga Part. 2. Cap. 10. & Eyrbiggia Saga Cap. 27.*

(p) *Eyrbiggia Saga Cap. 60.*

(q) *Landnam. Saga Part. 2. Cap. 10.*

(r) *Landnama Saga Part. 2. Cap. 9. & præsertim, Eyrbiggia Saga c. 21 & 45.*

§. LVIII.

Promon-
torii con-
stitutio.

Totum Promontorium (s) *Snæfellsnes*, (§. VII.), quod in longitudinem per Duodecim Milliaria Danica, in latitudinem vero per Duo, Tria, & in quibusdam locis Quatuor, extenditur, jugum est perpetuum Montium, qui surgunt e mari, saxis, sulphureosa fuligine infectis, quæ Ignis ardore vel soluta sunt vel varie erosa & inversa. In extremitate

Mons Snæ-
fells-Jokull

fitus est (t) *Snæfells-Jokull*, omnium Islandiæ montium altissimus, qui in medio mari Grænlantiæ inter & Islandiam, simul ac *Hvít-Serfur*, Grænlantiæ mons, itidem Glacialis, fudo cælo conspicitur. Ex hoc monte, ut & universo Promontorio, tanquam in compendio perlustrari potest, mira, & vix nisi videnti, credibilis, Ignis virtus,

(s) (t) *Landnama*: *Saga* Part. 1. Cap. 1. & 2. Cap. 14. *Olafs Saga Triggvas* sonar Part. 2. c. 61. *Sagan af Barde Snæfells*: *Asi* Cap. 4. 7. &c. *Grænlands Saga* Cap. 1. & *Mag. Th. Thorlachii Dissert. de Islandia*, Sect. 1. Thes. 4. conf. *Sagan af Viglunde Væna* Cap. 6 & 7.

tus, in elevando integros montes in tantam altitudinem. Nam per longissimos Montium Articulos, acclivitate puta, Duorum fere Milliarium Germanicorum longa, ascendendum est, prius quam ad ipsius, in medio *Sna=fells=Jofli* radices, perveniatur. Omnia hic in unum, quasi Chaos commixta sunt, saxa exusta & intorta, harenæ omnicolores, calx & pumices subalbi, comminuti (§. XIII.), quorum hic, quam alibi, majorem vidi copiam, in colles enim & minora dorſa, non raro assurgunt.

§. LIX.

Per montis, ab utroque latere declivia, continui salebrarum tractus, in Profundum maris passim decurrunt, ut (u) *Saxa=hvols-Hraun*, (x) *Beru=viitur=Hraun*, (y) *Dranga-Hran*, ubi Scopuli in litore altissimi (z) *Lon=Drangar*,
Salebræ
Snaefellens.
fes.
Hel.

(u) Landnama Saga Part. 2. Cap. 8.

(x) Landnama Saga Part. 2. Cap. 8. & Biarnar Saga, Hildela Kappa.

(y)(z) Landn. Saga Part. 2. Cap. 7. conf. Sagan af Bardar Snaefellens, cap. 7 & 10.

(a) *Hellis·hraun*, *Buda·hraun*, non longe ab Emporio, *Buder*, unde (b) *Hrauns·Höfn*, & (c) *Hrauns·hafnar·os*, nunc *Budar·os*, dicta sunt, & plura alia.

§. LX.

Aspretum
Buda·
Hraun.

Saxetum *Buda·Hraun* (§.LIX.) singularem naturam & Constitutionem sortitum est, non enim, ut aliae salebræ, vel inæqualiter ejectum est, vel in rivis provolutum, sed unica quasi caute constat, olim liqvefacta, quam incendium, in superficie striatum, interius multicavum reddidit. Specus intrinsecus concavæ, sunt, angusto orificio, trium & supra, orgyjarum profunditate, edunt odorem gratissimum, quia in fundo, herbæ beneolentes egerminant. Collis est in saxeti medio exustus, *Buda·Klettur*, quem erumpens Ignis, sub incendii finem, formavit (Disc. Præl. §. XI.). Universus tractus eandem habet ubique altitudinem, mari non multum superiorem. Cum jam
olim

(a) (b) (c) *Landnamas·Saga* Part. 2. Cap. 6 & 7. conf. *Þorresinga·Saga* Cap. 43. 44. & 49. & *Sagan af Viglunde væna*, Cap. 6.

olim liqvefactus fuerit, ut ejus striæ & cavernæ indicant, hic stagnasse liqvet fluentem materiam, septam, quæ altior fuit, circumaggesta terra. Præterea, cum salebræ supra mare non multum emineant, sequitur subternam partem in mari profluxisse. Cum autem ignita fuerit liqvefacta massa, necesse est, Ignis, incluso stimulatus aëre, massam perforaverit. Jam vero mare, naturali sua gravitate, in foramina delabitur; Ignis contra, aquam vitans, ut levior, ascendit, liqvefactamque materiam, quæ adhuc non consistit, aëris beneficio, amplius excavat, donec accrescente aquarum vi, vel exstingvatur plane, vel foras protrudatur.

§. LXI.

In reliquo Promontorii dorso, salebræ, montesque exusti sine numero occurrunt, ut in (a) Tesquis Frodar-Heyde, (b) Ølledu-Grigg &c.

(a) Eyrbyggja Saga Cap. 52.

(b) Sagan af Grettir Asmundar, syne Cap. 58.

&c. Prædium (c) *Kauðe-melur*,
in Nomarchia *Knappa-dals-syslu*,
a cinerum rubore nomen traxit.
Hic spaciosus ille salebrarum tractus
(d) *Borgar-hraun*, ut post habi-
tatam Islandiam enatus, omittitur.

§. LXII.

*Aspreta
Mirica,*

Nomarchia *Míra-Sysla*, quæ
objectu montium clauditur, simili
faxorum scabritie, obriget, quæ vi-
cini dorsi montes egresserunt. Hujus
generis sunt (e) salebræ, prope flu-
men *Hitar-a*, (f) *Sel-hraun*,
in valle *Hitar-Dal*, (g) *Stadar-
hraun*

(c) *Landnama-Saga* Part. 2. Cap. 5.
Eyrbyggja-Saga Cap. 56. & *Sagan*
af Rafne og Gunnlauge Ormsrun-
gu, Pag. (mihi) 10.

(d) *Landnama-Saga* Part. 2. Cap. 5.
Grettla Cap. 58. *Sagan af Eygla*
Skalla-grims syne Cap. 21.

(e) *Sagan af Grettir Asmundar-syne*
Stetka Cap. 58.

(f) *Sagan af Byrne Hirdæla-kappa*,
in pluribus locis.

(g) *Grettirs-Saga* Cap. 58. & *Biarnar-
Saga*.

Hraun & (h) Hraun-dals-hraun,
in valle Sydre & ytre-Hraun-
Dal, sylvosæ.

§. LXIII.

Hraundalium finumque Borgan-
fiord, Montana Tesqva Stards-
heyde, unius diei itinere dirimunt. Rupes ge-
minæ,
Strakar.
Montes hic exusti omnes, saxetaque
ab Igne eructata, in quibus geminæ
rupes, vulgo Strakar, efferuntur,
observatu dignissimæ. Radices illis
contiguæ, figura conî æmula, am-
bitus radicum orgyjas circiter Qua-
draginta, Altitudo Viginti explet.
Constant saxo in Igne fuso, intus-
que tam prope excavato, ut conve-
xitas concavitati plerumque respon-
deat. Ubi in apicem deficiunt, an-
gusta dehiscunt apertura, quæ æqve
ac specus Budar-hraunenses (§. LX.).
gratum de herbis odorem exspirant.
De harum rupium origine idem cen-
sendum esse puto, ac de specuum
Buda-hraunensium ortu, nimirum
quod

(h) Landnama: Saga Part. 2. Cap. 4.
Egla, passim. Sagan af Gunnlaui-
ge Orms tungu og Rafne pag. 45.
Grettla Cap. 58.

quod ignis, in liqvescētæ materiæ profluente (Disc. Præl. §. X. & En. Hist. §. XI.) sublatens, priusquàm constitit massa, recruduerit, extenso aëre imprægnatus, inflatam massam coni figura donaverit, demumque exierit, per foramen istud verticale. De herbarum, in fundo fragrantium, generatione, idem iudicandum est ac de reliquis subdialibus (§. XIII.). Accedit hic loci natura, quæ exterioris aëris injuriam prohibendo, fecunditati est amicissima, herbarumque odoriferarum effluvia, quin in aërem evanescant, retinet.

§. LXIV.

Montium
Australium
& Orientalium
con-
nexio.

Porrigitur deinde montium dorsum, ad sinum usque *Borgar-fiörd*, ibique cum montanis mediterraneis (§. V.), jungitur. Montibus hic tractus altissimis effertur frequenter nivibus & glacie perpetua, circumgelatis. Inter hos (i) *Balld-Jökull*, & (k) *Snio-fiöll*, plures numero, eminent.

-
- (i) *Sagan af Barde Snæfells-as*, Cap. 9. & *Sagan af Grettir Asmundar* syne *Stekla* Cap. 54 & 56.
(k) *Bardar-Saga* Cap. 14.

MEMBRUM SECUNDUM.

DE

QUADRANTIS OCCIDENTALIS
THERMIS & BALNEIS.

U §. LXV.

U^t Quadrantis Occidentalis superficies, horrendarum, quæ Ignis causatus est, revolutionum vestigia, primis Islandis videnda præbuit, ita calidiorum aquarum exhalationibus significavit, ignescentis subtus materiæ præsentiam (§. XXX.), deditque ansam locorum & prædiorum appellationibus.

§. LXVI.

Thermis olim gavisam fuisse Nomarchiam *Stranda-Syslu*, in Thermæ Stranden-
Aqvilonari Pen-Insulæ litore, Pro-fes & Isafiördicæ.
montorium (l) *Reykia-nes*, & Emporium hodie celebris sinus (m) *Reyk-tiar-Siördur*, suis nominibus indigitant. Idem de Nomarchia Isafiördicâ, testantur duo illa prædia cognominia, *Lauga-bol*, Balnearum Sedes, (n) unum prope *Isa-Siörd*,
E

(l) (m) *Sagan af Grettir Sterka Cap.*
10.

(n) *Sagan af Havarde Is-syrðinge*
Cap. 1. 2. 10. & 11.

Fiörd, sinum; alterum in valle (o)
Lauga=dal, & Paroecia **Ögurs=**
Sveit.

§. LXVII.

Thermæ
 Barda-
 strandicæ.

Pluribus calidis Fontibus Balneis-
 que scatuit Nomarchia Bardastran-
 dica. Hic quoque duo prædia **Laug-
 ga-bol**, unum in sinu (p) **Arnar-
 fyrde** (§. LIV.); alterum in (q)
Vatns=fyrde. Balneæ (r) **Key-
 fiar=fiardar=laug**, in Paroecia
Vatns-fiordica, hodie frequentantur.
 Valles ad sinum **Talæna=fiörd**,
Store=og litle= (s) **Langar=da-
 lur**, a vicinis balneis denominatæ
 sunt. Sed præ omnibus jam recen-
 sitis Pen-Insulæ locis, inclytum est
 Promontorium (t) **Keyfia=nes**,
 in

(o) Landnama-Saga Part. 2. Cap. 29.

(p) Landnama-Saga Part. 2. Cap. 26.

(q) Grettla cap. 53. Ubi e 5 Exemplari-
 bus m ss: unum **Lauga-bol**, reliqua 4.
Lauga-bol habent.

(r) Landnama-Saga Part. 2. Cap. 26. &
 Sagan af Rafne Svein Biarnar sy-
 ne, pag. (mihi) 66.

(s) Gull-Þoris-Saga cap. 13.

(t) Landnama-Saga Part. 2. Cap. 22. &
 26. Grettis-Saga, cap. 29. & 51.

in quo situm est prædium (u) **Keyt-holar**, ubi **Balneæ** saluberrimæ (x) **Keyt-hola-laug**, & **Reit-hola-hver**, Fons æstuosus, in quo, quævis cibaria repentino decoquuntur (vid. §. XIV.)

§. LXVIII.

In hac Insulæ parte, plures calentes aquas, hic existere nec unquam extitisse scio, præter **Balneas**, in Nomarchia **Dala-Syslu**; & valle **Sælings-dal**, prope Prædium **Tungu**. Hæ **Balneæ** in usu erant antiquis, & notæ factæ sunt, à viri optimi & fortissimi, **Kiartani Olavii**, Islandorum nobilissimi (erat enim è filia **Nepos Mir-kiartani Hybernæ Regis**), deflenda morte, sub nomine (y) **Tungu-laugar** vel **Sælings-dals-Laugar**.

E 2

§. LXIX.

Gull-Pores, **Saga** cap. 1. & **Niala** cap. 10.

(u) **Landnama**, **Saga**, Part. 2. Cap. 19. 20 & 22. **Sagan af Grettir Asmundar**, syne **Stetka** Cap. 29. **Pornesinga**, **Saga** cap. 57.

(x) **Grettis**, **Saga** Cap. 51.

(y) **Eyr**, **biggia**, **Saga** cap. 61. 64. &c. **Lax-dæla**, **Saga** cap. 21. 27. & seqq.

Thermæ
Dalenſes.

§. LXIX.

Sectionis
Primæ
conclusio.

Hæc est & fuit apertior Islandiæ Natura & Constitutio, quando in illam Norvagi commigrarunt, ad novas sedes qværendas, ex qua videntur, & videmus, hodie, qvilibet, stupendarum revolutionum vestigia. Qvæ hic annotantur, super ea, qvæ nostræ Antiquitates perhibent, vel ex alienis & notissimis, vel ex propriis observationibus, hausta sunt. Multi tamen tractus, qvi manifeste exusti sunt, hic omittuntur, qvorum, etiamsi non mentionem injiciant, membranæ nostræ, qvoniã nuncupandi illos defuit occasio, tamen de illorum vetustate ut ambigatur, opus est omnium minime, tum qvia in nostris Annalibus, altum est de illis silentium; tum qvia superinductæ terræ magnitudo, sui antiquitatem firmissime tuetur. Non sivit insuper brevitæ temporis, nec exigit compendiaria descriptio, ut unum qvemqve locum, nominatim recenserem. Maxima nec non celebratissima attigisse sufficit.

SECTIO

Olafe Triggva, sonar, Saga Part. 2.
Cap. 51.

SECTIO SECUNDA
DE
ISLANDIÆ NATURA ET
CONSTITUTIONE APER-
TIORI.

CAPUT PRIMUM
DE
ISLANDICÆ TERRÆ CONSTI-
TUTIONE INTERIORI, ANTRO-
RUM & FOSSARUM BENEFICIO
DETECTA.

MEMBRUM PRIMUM.
DE
MONTIUM ET COLLIUM CON-
STITUTIONE.

§. LXX.

In hac Sectiuncula institutum est Naturam & Constitutionem Islandiæ occultio-
rem cursim persequi, ad illam pertinent inordinata strata ter-
ræ, cavitates & meatus subterranei; & diversa terrarum genera, Mineralia,
metalla & alia corpora fossilia. Montium specus & cavitates, quæ omni-
bus notæ sunt, ad hanc Sectionem non referuntur, sed eatenus quæ in-
ordinatam terræ aggestionem mani-
festant. Cum primi Islandi de In-
sulæ, nisi quæ habitabilis Natura in

Sectionis
secundæ
synopsis &
ordo.

qvirenda, non fuerint solliciti, eorum manuscripta & Historiæ non magno mihi usu fuerunt. Ad vulgares ideo quas in Islandia audivi, relationes, & observationes, me contuli, ex illisque, quæ inveni, eliciui, ad præsentem scopum spectantia.

§. LXXI.

Causa cavitatum subterraneorum in Islandia,

Cum in Antecedentibus monstratum sit congestam esse Islandiam è rupibus, ab Igne vel exesis & varie informatis, vel exustis & infuscatis, cineribus, pumicibusque, in tam violenta montium, tamque rapida genitura, summam regnare confusionem, quis non videt? Saxa, quæ ejaculatur Ignis, inæqualiter cadunt, unde quando non adsunt cineres, vel alia minutiora rejectamenta, ad ruderandam molem, tunc cavitates & hiatus, oriuntur. (Disc. Præl. §. XII.)

§. LXXII.

Ita per universam Islandiam, montes hiant, perplexis meatibus, quos Insulani *Hellra* vocant, ut vero montosa Islandiæ tesqva inhabitabilia sunt, & consequenter ignota (§. LXXII.), minima Hellrorum pars de-

detecta est. Horum clarissimos, qui vel Gigantum (sive maximorum effertorumque hominum) & Exulum in habitatione, vel occasione quadam alia, innotuerunt, enumerabo.

§. LXXIII.

In montanis Australibus Antra plurima, ut in (z) Monte **Stialld-breyd** (§. XVIII.) ubi Gigantum metropolin confluxumque, ludorum celebrandorum gratia nostra monumenta tradunt. In Tesquis **Kialveg** vel **Kyle** (§. XVIII. & XLI.) (a) **Grettis-Hellir** & (b) **Bergþors-Hellir**, in monte **Blafelle**, in quo hodie Bergthoreri Gigantis lectum videri testantur accolæ; vidi quoque in Templo Haukadalsensi Vectem magnum, quitanquam ejus baculus, ibidem servatur. In colle (c) **Jorn-kleif**, prope **Alþingit** (§. XXI.) Antrum est Jorunæ tæminæ Gigantæ; & alius in promon-

Antra Australis Insulæ.

E 4

to-

(z) **Bardar-Saga Snæfells-as** Cap. 9. **Grettlu** Cap. 59.

(a) **Grettis-Saga Sterka** Cap. 54.

(b) **Sagan af Barde Snæfells-as**, c. 9.

(c) (d) **Kialnesinga-Saga** Cap. 3.

torio (d) *Kialar* = nese ubi *Bue*
Æsu=fostre five *Sundur*, delituit.
 §. LXXIV.

Ara-dali-
 um descri-
 tio.

Duo Antra maxima, in Nomar-
 chia Borgar-fiordica nota sunt. U-
 num Surtonis Gigantis in campo
Hellis-sitium, vulgo (f) *Surts-*
Hellir. Alterum Thororis Gigan-
 tis, in nivoso monte *Geitlands-*
Jöfle (§. XVIII.), sub vallis nomi-
 ne, veteribus (g) *Þoris*=*Dalur*,
 nobis *Ara-dalur*, notum. Juxta
 Gretteri relationem, qui hic unam
 sui exilii hyemem transegit, vallis
 est, cryptæ similior, sub ipsa mon-
 tis glacie profundissima. Hinc su-
 perius, nivibus propemodum occlu-
 sa, læta inferius gramine, scatet ri-
 vis fontibusque calentibus, qui suis
 exhalationibus supernam glaciem
 conjungi vetant. Multa de ejus po-
 stea detectione fabulosa narrantur,
 sed nunquam post eandem hyemem,
 quæ

(f) *Landnama*=*Saga* Part. 1. Cap. 20.
 & Part. 3. cap. 10. *Bardar*=*Saga*
Snæfells, aß cap. 13. & *Holm*=*veria*
Saga cap. 33.

(g) *Grettla* Cap. 59. & *Bardar*=*Saga*
 cap. 9.

(qvæ in Annum Milleſimum, Vigefimum Quintum incidit) inventam fuiſſe credo. Refert Greſſerus tunc temporis, per totam vallem erraſſe numeroſiſſimum Ovium gregem, inſolitæ magnitudinis, ſupraque modum ſaginarum, qui laudati gigantis erat. Videmus hinc, qvam vaſta & omnibus ignota, non tantummodo dari ſit probabile, ſed & adſint receptacula ſubterranea, in Islandiæ montibus.

§. LXXV.

Totus Orientalis Quadrans cavernoſus eſt, & in ſpecie continua illa catena Glacialium Montium (§. XXXII. & XXXIII.) qui crebris poſtea incendiis permutati ſunt. In Nomarchia Skapta-fellica prope prædium **Geirſland** (h) Antrum dehifcit in fluminis deruptis ripis, in qvo Gunnerus cum Helgone Fratre, arte palæſtrica invidioſus, delituit. In Nomarchia **Mula-Syflu**, ſinus (i)

E 5
Hel-

Antra Orientalis Inſulæ.

(h) Sagan af Gunnare Kelldu Gnups, Siſle Cap..

(i) Landnama Saga Part. 4. Cap. 6. &

Crypta
Dala-Hellir.

Hellis-fiördur, & (k) **Geita-Hellrar**, caprarum specus innotuerunt. Hodie autem, in omnium ore creberrime versatur crypta insvetæ longitudinis, **Dala-Hellir**, quam sub integro montis dorso, abusque paræcia **Ut-Manna-Sveit**, ad sinum **Borgar-fiörd**, protendi ajunt accolæ, per Quatuor circiter Milliaria Danica. A seipsis enim frustra pluries tentatam esse infinitam specus longitudinem, ab immisso fele superatam tradunt.

§. LXXVI.

Pars Islandiæ Septentrionalis, frequens est specubus, & in specie circa lacum **Mi-vatn** (§. XLII.) ut ex ænigmatico (l) **Viga-Stutu** nomine, patescit; in unius earum harenofo fundo Tepidarium salubre, ab accolis hodie frequentatur. Non lon-

Olafr Triggvasonar: Saga Part. 2. Cap. 18.

(k) **Nials**: Saga Cap. 122.

(l) **Viga-Glums**: Saga cap. 16. & **Sagan af Vemunde og Viga-Stutu** cap. 20.

longe ab hinc, in valle (m) *Bardar-dal*, & cataracta fluminis *Ly-ar-dals-a*, Antrum est Gigantum inhabitatione clarum. Antra pari modo, in Promontorio *Siglu-nese* (§. XLIII.) (n) *Lagals-Hellir*, in rupibus *Midfiordicis* (o) *Glams-Hellir* (§. XLVIII.) & alterum (p) in *Breid-dalensibus*, ad finem *Hrutafjörd* (§. XL & XLIX.), innotuerunt.

§. LXXVII.

In Pen-Insulæ Occidentalis valle (q) *Dambar-dal*, *Strams-Hellir*, antrum est haud ignotum. In *Snæfells-nesi* specus sunt sine numero (§. LVIII.), ut in monte (r) *Enne-Hettu-Hellir*, in ipso *Snæfells-Jöfli* (s) *Bardar-Hellir*, ubi Bar-

Antra Is-
landiæ Oc-
cidentalis.

(m) *Sagan af Grettir Asmundar-Syne* Cap. 34. 61. & 62.

(n)(o) (p) *Bardar-Saga* *Snæfells-af* Cap. 9 & 13.

(q) *Bardar-Saga* cap. 15. *Kormaks-Saga* Cap. 11.

(r) *Landnama-Saga* Part. 2. Cap. 8. & 9. *Bardar-Saga* cap. 8. & *Pðrnesinga-Saga* cap. 54.

(s)(t) *Sagan af Varde Snæfells-as* Cap. 5 & 7.

derus *Sna=fells-as*, five Montis Nivosi Deus, habitavit (r) *Song=bellir*, cantus antrum, hodie celeberrimum, cui Barderus, cum suis, ab insigni vocis percussione, nomen imposuerunt; hic enim primum conveniebant, ad consulendum de habitatione terræ & fundorum distributione. Duæ sunt hic præterea cryptæ, inexploratæ longitudinis, Dalensi illi (§.LXXV.) haud absimiles; una in falebris *Beru=vi&fur=Hraune* (§.LIX.), in cujus anteriori parte quidam fertur opilio (Ducentis ab hinc annis), hyberno tempore centum ovium gregem custodire solitus, cum ovibus disparuisse, de quo multa fabulosa. In eadem, qua disparuit, nocte, cum tempestas, cum gelu & grandine, turbulentissima, oborta fuerit, illum algoris impatientia victum, interiora specus petiisse credo, sed deceptum anfractibus, nunquam invenisse redditum. Forte & in cavernas & Lacus, qui in talibus cryptis sæpe obviam fiunt, se præcipitavit. Unius Milliaris spacio distat altera, in Långulæ *Ond=ver&ts=nes*, rupibus ma-

Crypta
Bervicensis.

maritimis, **Svaurtu loptum**, sese aperiens, longitudinis infinitæ. Hanc cryptam sub totum promontorium (§. LVIII.) se porrigere vulgaris est opinio, omni non probabilitate destituta. Antrum enim in valle **Sitar-dal** (§. LXII'), cui istud Ondverdtnefii conjungi dicunt, longitudinem habet itidem infinitam, & in eadem, ac illud alterum directione, positam. Cryptam Ondverdtneficam, accolæ, oblata, non paucis ab hinc annis, occasione, inviserunt, acceptis secum Lychnis & Lineis, ut de reditu certi esse possent, sed sine specus non invento, frustra dicefferunt. In Nomarchiæ **Snappa=dals=systu**, Monte **Fagra=Stogar=sialle**, Antrum est (u) **Grettis=bæle**. Vertex enim excavatus est & perforatus, tanta apertura, ut hodie, qui radicibus insistant, æque ac longius distantes, fenestratum montem perspiciant. Hic exulanti Grettero sedes erat tutissima & propugnaculum, tam ob arduam acclivitatem montis, quam

Mons Perforatus.

(u) **Sagan af Grettir Asmundar** syne
Sterka cap. 52.

prospectum utrinque optimum. In Nomarchia *Mira-sylu.* valle *Hitar-dal*, antrum (x) *Sunda-Hellir*, notum est. (y) *Hallmundar-Hellir*, in monte Glaciali *Valld-Jötle* (§. LXIV.) ab Hallmundo Gigante, Grætteris Robusti amico, denominatur.

MEMBRUM SECUNDUM

DE

VALLIUM ET PLANITIERUM
CONSTITUTIONE.

§. LXXVIII.

Stratorum
Natura in
genere.

Antea dictum est valles solum & Planities Islandiæ habitari (§. II.). Harum tamen magnum est discrimen, pro montium præsentia & depressionis gradibus. Generatim notandum venit non eandem esse in Islandia, ac in aliis regionibus, terræ, atque stratorum constitutionem; nec unicam per universam Insulam, sed diversissimam, pro multiplici inversione terræ. Densitas adhæc terræ frugiferæ longe minor hic, quam alibi

(x) *Bardar, Saga* cap. 13.

(y) *Grettla* cap. 54 & 56. *Bardar, Saga* cap. 9.

alibi, non secus ac tectorium exiguum potest respici, quo vix saxorum commissuræ operiuntur.

§. LXXIX.

Ad Vallestem terram tres species revoco: Grumosam nempe, Campestem & Palustrem. Grumosa terra plerumque editior & inhabitabilis, Islandis **Noar & Solta-Noar**. Extrinsecus Grumis sive Glebis inæqualis, in majores acervos non raro emicat. Musco, pariter ac Salebræ, Melini coloris, (§. X.), obducta est, cui crebro internascuntur Myrtilli, Juniperi & Ericæ bacciferæ, vulgo **Lusa-ling** vel **Kræte-beria-ling**, e cujus baccis Insulanos, olim vinum excoxisse, nostri Annales referunt. Hoc terræ genus in Islandia frequenter occurrit, circa radices montium, interdumque in immanem solitudinem sese explicat, ut verbi gratia, in Islandia mediterranea, ubi desertum viginti, circiter milliaria Danica, in circuitu, montibus exustis undique clauditur. Hic est **Lacus Þingvallavatr** (§. XXIV) **Mos-fells-heyde**, **Stuflungar** & **Ling-dals-heyde**, Tæsqva vastissima

Terræ
Grumosæ
natura.

fima, Grumosa omnia. Innuit Mufcosa inæqualitas, aggeftionis terræ in caufa fuiſſe Ignem. Si enim intrinſecus indagetur, omnis eximitur dubitatio, nam tunc diverſarum terrarum commixtura notabitur, ſaxa verſa in Igne & non verſa, pumices partim contriti partim integri, cum aliis lapidibus, in luto & maſſa calcinatarum rerum, intermixti jacent. ſumma: nihil præter confuſionem, quæ in Ignis eructationibus regnare ſolet, intueberis.

§. LXXX.

Terræ
Campeſtris
Natura.

Terra campeſtris, in plerisque locis, Grumosa (§. LXXIX.) demifſior, ab Islandis *Döllur* & *Dallende*, vocatur. Campeſtre ſolum culturæ eſt aptiſſimum, graminofum exterius, interius nigrum & molle. Quando fimo, vel alius generis ſtercore lætificatur, ut gramen Lactarium producat, *Tun* appellatur. Loca campeſtria, niſi, ſicubi diligenter excolantur exoffenturque, lapidibus intus. Saxisque, & in Igne ſcabratis, & non, referta ſunt.

§. LXXXI.

§. LXXXI.

Terra Palustris, vulgo **Miire** vel **Miir-lende**, humillima, aquas de editis defluentes excipit. Si in rivos & amnes aqua se colligat, solum, temperatis irrigationibus, feracius evadit; sin vero natura loci stagnare cogat aquam, tunc putrescit, & maleolet. Sunt ejus generis paludosa loca in Islandia sine numero, quibus si infodiatur, ligna & furculos putrefactos magno numero reperies, qui sylvas subsedisse indicant. Inter innumera exempla, unum in promptu est, de Paroecia **Miirum**, (a) quod olim sylvosissimum, paucas hodie virgulas retinet. Terra vero, ex maxima parte, aquis subtus plena, putorem teterrimum emittit. Talis aquarum accessus, cum Igne subterraneo & Incolarum incuria, fuit prima causa & præcipua, interitus sylvarum, quibus in principio

Terra Palustris Natura.

Sylvarum Interitus.

F con-

(a) Landnama, Saga Part. 1. Cap. 19. confer. Sagan af Eygle Skalla Grims-syne cap. 21.

confitam fuisse Islandiam, nostræ (b)
Antiquitates confirmant.

§. LXXXII.

Stratorum
Ordo in
fodinis
Glebariis.

In humillimis Islandiæ locis terram esse Profundissimam rationi maxime convenit; nam aqua quæ per declivia deruptaque montium, devolvitur, in lapsu secum devehit terrestres particulas, in loca inferiora (Disc. Præl. §. XIII.). Hic præpingvem illam terram *Mor & Mor-torf*, quæ, pro lignis vel Cremiis, alendo foco inservit, Islandi fodiunt, Hæ occasione, in diversis locis Insulæ, talem prope stratorum ordinem observavi: Primum terræ nigræ & mollis profunditas est bicubitalis, de-

(b) Landnama, Saga Part. 1. Cap. 1. & 14. Part. 2. cap. 2. &c. Schedæ Uræ Prests, Groda cap. 2. Nials, Saga Cap. 32. 57. 61 & 137. Sagan af Bua Esiu, Goftra cap. 1. Sagan af Rasm, Tele Greys, Goda cap. 5. Sagan af Gunnare Þidrandi, Bana Cap. 2. Lios, verninga, Saga cap. 23. Viga, Glums, Saga cap. 19. Sagan af Rormake cap. 11. Gísla, surs, sonar Saga cap. 19 & 27. Gull, þoris, Saga cap. 1. Þornesinga, Saga cap. 35. &c.

deinde pumices albi & comminuti (§. XIII.) in limosam terram paulatim abeunt; Hæc a terra illa pingvi excipitur, quæ non raro bipal-
mi argillæ strato interrupta, tres, & supra interdum, orgyjas explet. To-
ta denique fossura, fistulosa terra,
quæ putris est & aqvosa, terminatur.

§. LXXXIII.

Licet jam stratorum ortum in aliis Causa stratorum in Islandia. orbis terrarum partibus, variis inundationibus magna nomina contri-
buant, eundem tamen in Islandia, Ignis eructationibus & pluviis, ut su-
pra dixi, pronior adscribam. Illis enim positis, & pumicosa strata sine longiori circuitu locum reperiunt,
& cinerum, in bonam mollemque terram transmutatio facilius expla-
natur. (vid. Disc. Præl. §. X. & XIII, & En. Hist. §. XIII.)

CAPUT SECUNDUM.

DE

ISLANDICAE TERRAE
CONSTITUTIONE INTERIO-
RI AQVARUM BENEFICIO
DETECTA.

MEMBRUM PRIMUM.

DE

LACUBUS MONSTRIFERIS
ET PISCOSIS.

§. LXXXIV.

Lacus
& Abyssi
Monstri-
feri.

Lacus & Flumina Islandiæ cum suis animalibus hic describere non statui, nisi quæ nobis vasta sub terra receptacula & meatus profundiores referant. In his primum locum occupant Abyssi lacus, vulgo *Tvi-byt-nur*, qui non in superficie terræ, sed in abstrusissimis ejus visceribus terminantur. In his latere monstrosum magnitudinis belluas, vulgo dicunt incolæ, ut est *Niskur* vel *Dat-na-Gestur*, Hippopotamus, Bos, Angvis, Phoca, Raja &c. Cum ferre innumeri sint ejus generis lacus, illos nominatim recensere, nihil confert ad nostrum propositum. Per totam Insulam celebratissimum est (c) *Lagar-sliot*, in Nomarchia *Mu-la-Syslu*, Flumen in Islandia longe maximum, in quo Angvem portentosæ magnitudinis (centum orgyas ejus longitudinem excedere dicunt,)

(c) Landn. Saga Part. 4. Cap. 2. 3. & 4.

cunt,) non solum vulgus, sed & Animalistæ nostri, sæpius apparuisse referunt. Hippopotamus verò, in omnium Islandiæ plagarum, lacubus se pluries vulgo conspiciendum præbuit, ea cum figura propermodum, quæ illum olim (d) Plinius donavit. E lacu (e) *Sviina vatne*, non longe a Monte Sancto (§. LVI.), in terram egressum esse; & in mirum sane modum tractatum, ab uno primorum incolarum, Auctor Landnamæ perhibet.

§. LXXXV.

Cum autem nulla adhuc, nisi subleste fidei, testimonia audire liceat, de talium Animantium apparitione, ipsa non hic pro vere existentibus possunt venditari. Nam longa docuit experientia, tales traditiones fabulosas esse imo falsissimas. Maxime suspectum est & sanæ rationi con-

De lacubus
Monstriferis
Fabulosa.

F 3

tra-

(d) Plinii Hist. Nat. Lib. 8. cap. 25. Adde ad Lit. (c) Sagan af Rasktele Greys Goda cap. 1. & Nials Saga cap. 122.

(e) Landnama Saga Part. 2. Cap. 10. Ubi Hippopotamus Upal, grat Hestur; Scutulatus equus vocatur.

trarium, quod Angves illi immanissimi, ut Lagar-fliotensis (LXXXI), in eodem semper, (ut aiunt) loco immoti jaceant, cum illorum natura motum assiduum requirat. Deinde quod Hippopotamus, jumentorum instar, vel animalium cicuratorum tractari possit, meram sapit fabulam, quæ tamen, in citato loco (§. 84. sub lit. e.), non sine respectu, pro istorum temporum natura politico, conficta est.

§. LXXXVI.

Lacus
Monstrifer
in rupe
fellsmu-
lensi.

Ne tamen omnia fabulosa existimasse videar, Monstra, five insolitæ staturæ & formæ belluas, in lacubus Islandiæ profundissimis & subterraneis, adesse non renuo, quæ, ne quiete nimia torpescant, amplissimum natandi poscunt spacium, in penetralibus terræ. Multa in Islandia audiui, de lacu illo abyssò, in Australis Quadrantis Nomarchia Rangarvallica, non longe a prædio **Fells-
mula**, in concava quadam caute; In hoc lacu, tranquillo & miti aëre, monstra quotidie apparent, quæ statura, figura & colore diversissima, Balænarum, Delphinorum Thynnorum-

rumque naturæ videntur assimilari, licet multo sint monstrosiora, id quod facillime patet, si bellum inter ipsa moveatur, piscium vel aliorum animalium, devoranda illis cadavera, projiciendo.

§. LXXXVII.

Piscosi lacus in montanis Islandiæ Sio-Reydarum natura altissimis, cum in superficie terræ, nulla cum mari habeant commercia, subtus habeant necesse est. Pisces enim, qui æstivo, in fluvialibus, in marinis aquis degunt brumali tempore, quosque *Reydar* & *Sio-Reydar* Islandi appellant, in dictis persæpe lacubus, capiuntur.

§. LXXXVIII.

Montana quoque Islandiæ gaudent lacubus, quos secundum ordinarium Lacus cum mari commercia habentes. fluxum & refluxum maris crescere & decrescere vulgo dicunt. Ejus est naturæ, inter complures, lacus *Stridu = vatn*, in Nomarchia *Mula-Sylu*. Sed testimoniis firmis & fidelibus opus est, priusquam adhibeatur fides, quoniam tales ductus hydraulici, videntur adhuc Natura difficiles. De lacubus autem qui eandem habent cum mari altitudi-

dinem, ut ille est in sinu *Olafs-
Syrde*, Septentrionalis Insulæ, &
alter in Promontorio *Sna-fells-
nese*, Ionit vocatus, nullus est quæ-
rendi vel dubitandi locus. Quod et-
iam aqua possit, caloris vi in vapo-
res resoluta, ad supercilia montium
ascendere, id nec experientiæ nec ra-
tioni est contrarium.

§. LXXXIX.

Piscium
Disparitio.

Dantur præterea in Islandia fre-
quentes lacus, qui piscibus abundant
aquæ marinæ insuetis. Hi, hyema-
tis superius aquis disparent prorsus-
que aufugiunt, ut, etiamsi piscato-
res fundum diligentissime quasi ever-
rant, non unicum quidem expiscan-
tur. Illos in mare descendere qui-
dam autumant, quod natura eorum
prohibet. Sed in latebris, vel in, vel
sub fundo lacuum hyemare, tutius
statuendum est.

§. XC.

Hæc piscium fuga (§. LXXXVII.
& LXXXIX.), æque ac reliquorum
aquatiliū natura, quæ in penitissi-
mis terræ recessibus vivunt (§. 86.)
inducant, cuniculis pertusam esse Is-
landiam plenamque aquosis cavitati-
bus.

§. XCI.

Sed surgit hic difficultas non spernenda, quæ forte ortui Islandiæ contraria esse videbitur, scilicet, quod terra, quæ e tam violentis principiis, ut ignis est subterranei eruptio, enata est, nullis ejusdem naturæ animantibus, gaudere possit.

Piscium
ortui ob-
icitur.

§. XCII.

Vel ad summi Numinis omnipotentiam confugiendo, me extricare possem, quod in hac terra eodem potuit modo Animalia producere, quo in prima orbis creatione vitam dedit omni animato: vel ad Physicorum assertiones, qui Dracones & alia Animalia subterranea, ex prolifero quodam semine nasci volunt, quod omniparens Terra, ex varia commixtura parat succorum Mineralium.

§. XCIII.

Sed via longe planior rectiorque aperitur, quæ non solum ducit ex anfractibus, sed & ad natales terræ origines perducit. Supposito enim, quod enata sit Islandia ex ejectamentis ignis (Disc. Præl. §. VI.), ponuntur ejus fundamenta, cum primum cœperunt erigi, fuisse cavernosissi-

Piscium
Ortus ex-
plicatur.

ma (Disc. Præl. §. XII.), cum vero in mari primum locata sint, sequitur cavernas inferius fuisse mari repletas (vid. ib. §. XII.). Piscium natura nota est præterea, quod fundi semper marini latebras quærant, & in illis, sicubi abditiores invenerint, stabulentur. Quando jam pisces immaturi (sive minores sint, ut Passeres, Afelli, Rubelliones &c. Sive Majores, ut Phocarum, Thunnorum Delphinorumque Vituli) cavernas introeunt & in illis adolescunt, necesse est, si introitus tenellis fuerit angustior, maturis nullum dari reditum. Clarum est insuper, plerosque pisces squamiferos ova eniti, quorum magna copia in litus Islandicum defertur & ab incolis *Hrogn* vocatur. Quando hæc ova, mare, cavernarum orificiis intromittit, exclusi intus pisciculi maturescunt & supra dicto modo includuntur. Sic augescunt, vescunturque majores minoribus, & multiplicantur naturæ legibus, si vero diversæ species coeant, scæmina bigenerem partum enitur, unde ortum ducit monstrositas.

§. XCIV.

Deinde hæc animalia, quæ patent Piscium ad
 sedes latiores quæerunt, ascendunt terræ su-
 quæ tandem ad terræ superficiem, vel perficien-
 per rivos & fluvios subterraneos, ascensio.
 nam magna pars pluvialis aquæ, quæ
 terræ superficiei multiforæ illabitur
 (Disc. Præl. §. XII.) per meandros
 longissimos defluens, format in ca-
 vitatibus subterraneis Lacus & Con-
 fluges & flumina, quæ ad dictas pi-
 scinas tandem deveniunt. Vel Ter-
 ræ motus gratia ascendunt pisces cum
 lacubus, qui subsidentis terræ locum
 occupant (Disc. Præl. §. VIII.). Hinc
 etiam videri potest, quomodo aqua,
 in principio marina, si cavernæ ex-
 trinsecus, vel limi in fundo maris
 aggestu, vel novis ignis ejectamen-
 tis (Disc. Præl. §. XV.) obturentur,
 ad superficiem perveniant, & par-
 tim percolato sale, partim aqua plu-
 viali admixta, dulcescat (vid. Disc.
 Præl. §. XIV.

MEMBRUM SECUNDUM.

DE

THERMIS FONTIBUSQUE FER-
 VIDIS, TEMPESTATES INDICAN-
 TIBUS ET AQUÆVOMIS.

§. XCV.

§. XCV.

Thermæ
æstuosæ
quare hic
iterentur.

Fontes Ferventes, per universam Islandiam enumeravi, quatenus Ignis & Ignitæ materiæ signa sunt. Nunc eorum quosdam, quæ aquam magno impetu protrudunt & tempestatum vicissitudines significant, retractabo. Ejus Naturæ est *Uxæ-hver* (§. XLV.), *Deylðar-tungu-hver* & dimidii Milliaris Germanici intervallo distans. *Reifia, hollts-hver* (§. XXVI.), *Reyf-hola-hver*, (§. LXVI.) & plures alii. Provincia *Olvese* (§. XX.) pluribus scattet fontibus æstuantibus, quorum mentionem, nostras antiquitates, licet injecisse nesciam, tamen hic prætermittere nolui, cum Islandiæ subterraneæ constitutionem antiquam & novam patefaciant. *Bad-stofu-hver*, e fissura rupium, in magnam altitudinem paulisper erumpit, & evacuatus, receptam & propriæ magnam partem, & præsentis rivi aquam altera apertura, post breve spacium revomit, idque continue. *Geyser* horrendo olim sonitu æstuavit, sed sub finem proxime elapsi seculi, ruina vicini montis sedatus est, hodie igno-

ignotus. Unus autem in hac paroe-
cia, cujus me proprium latet nomen,
maxime nobilitatur, sudo enim cœ-
lo quiescit plane, verum procelloso,
fumi & aquæ ferventis magnam e-
mittit copiam. Ante dicti autem fon-
tes omni quidem tempore aquam e-
vomunt, sed nimboris tempestatibus,
majori sævitia.

§. XCVI.

Cum locorum in quibus æstuosi Thermæ
fontes scaturiunt, non adhuc ex-qua ratione
ploratus situs & natura habeatur, æstuent.
difficile erit eruptionum causas, nisi
conjecturales, reddere. E Fontium
effectibus liqvet concavitates & mæ-
andros sub terra, longissimos, cum
subterraneo aëre, ad aquæ evomiti-
ones contribuere. Rivi enim ab al-
tiori loco lapsi, ad cavitatem deor-
sum feruntur, in qua totum conflu-
vium, vi ignitæ materiæ (Disc. Præh.
§. II.) ferverescit; aëris vero beneficio,
calore dilatati, majori impetu, per
angustos siphones, e fundi scaturigi-
ne, protruditur. Quando autem pro
tempestatum vicissitudine, fontes
æstus suos adaugent, vel deminuunt,
aliqua necessario conjunctio, inter
su-

superiorem & inferiorem aërem intercedit, ita ut, qvi superiorem tenet regionem aër, nubibus crassescens, propria gravitate, vel per cavernam qvandam cavitati, vel hiantibus rivorum capitibus, intrudatur, promatqve & cieat inibi consistentem aerem.

§. XCVII.

Geyseri
mire Aquæ
vomi de-
scriptio.

Hanc materiam ulterius illustrat Fons ille prodigiosus. **Geyser** sive **Grassator**, (alter ejusdem nominis) (vid. §. XCV.), in valle **Santa-dal**, (§.LXXIII.) intervallo duorum vel trium Milliarium Danicorum a Skalholtiis distans. Hic Fons, inter nova & admirabilia naturæ artificia numerandus, statis quotidie temporibus, aquas ferventes eructat. Situs est in rupe excavata, ad radices montis, qvi cum mediterraneis Montibus (§. V.), cohæret. Anno Millesimo, Septingentesimo, Quadragesimo Sexto, qvo Patriam reliqvi, invisi rupem, vidiqve in ejus summitate lacunam, qvæ turbinata cavitante, in ambitu Viginti orgyjarum margine circumdata, Trium orgyjarum profunditate, in angustas fauces desinit,

finit, per quas sensim ascendit aqua, usque dum lacunam superfluat. Tunc perinde ac si continuam bombardarum explosionem audires, fragores, vel quasi sclopi summe horribiles, subtus incipiunt, quibus tota rupes intremiscit. Post editos Sclopos Quatuor vel Qvinque, fervens aqua, non continuo fluxu, sed pro sonorum numero perpauillum intervallo, cum immenso fumo incipit evomi, saxisque, si quæ voragini prius immissa sint, comminutis. Aqua in sexaginta, ad minimum, orgyjarum altitudinem, ejicitur, tanta copia, ut calentes inde rivi circum circa generentur. Post Sex vel Septem horæ minuta, cum fragoribus desævit eructatio, cessatque penitus, lacuna & faucibus evacuatis.

§. XCVIII.

An Geyserus juxta fluxum & refluxum maris sæviat, non adhuc inventum est. Ad singularem ejus in erumpendo vehementiam, singularem locinaturam, cum aëre subterraneo concurrere opinor. In Montanis superioribus (§. V. & XCVII.) Lacus sunt & amnes non pauci, ex
 qui-

Causa Eruptionum
 Geyseri.

quibus per occultos meatus, fluvii
 ad Geyserum perducī possunt. Fau-
 ces Fontis, prout e fragorum distan-
 tia, judicare poteram, in terræ pro-
 fundissima descendunt, ibique a vasta
 quadam concavitate excipiuntur. In
 hac cavitate aquam primum incalc-
 scere, probabile est, materiæ, suo
 met ignescentis vi, (Disc. Præl. §. II.).
 Aqua, a deruptis locis præcipitans,
 reddit vehementiorem motum aëris,
 qui adhæc frigore condensatus, cum
 in concavitatem delatus est, calore ex-
 tenditur, sed comprimitur simul cum
 aqua loci angustis. Hinc aqua per ru-
 pis fauces, ad lacunam ascendit, simul-
 que cavitas impletur, cum descendens
 aqua ascendente sit major. Jam suppo-
 no, aqua simul ac repletur concavitas
 repleti etiam lacunam, ita ut aër, qui se
 extendere nititur, non diutius patia-
 tur comprimi, sed maxima violentia
 per fauces exitum moliatur. Inter-
 ea ruentis Cataractæ vis instat, ur-
 get, & protrudit aquam. Aër ve-
 ro, qui se laxare inchoat, cum aqua
 certans de ascensu, ejusque fluxum
 paulisper interrumpens, edit hor-
 rendos illos sclopos, quorum aliqua
 ha-

habetur similitudo, quando per angustum vasis orificium, aquam vel alia fluida, infundimus & effundimus. Aqua ideo rapidissime, se e rupe proripit, cum his colluctationibus, quæ, ut antea dictum est (§. XCVII.) fluxum ejus interrumpunt. Rudis hæc de Geyseri aquæ vomini constitutione, conjectura, applicari potest, siue in causa tantum sint flumina, siue mare cum illis operetur. Mirus hic Fons, insuper ostendit, quanta arte, recessus hic subterraneos, natura condiderit.

MEMBRUM TERTIUM.

DE

LACUBUS AMNIBUSQUE GLACIEFRAGIS & PLUVIAM PRÆSIGNANTIBUS.

§. XCIX.

Habet lacus quosdam nec non flumina Islandia, quorum, quæ constringuntur, glacies quando algent omnia terra marique, frangitur inopinato. Unus, inter Lacus, situs est, in Normarchia *Huna vatns-Syslu* (§. XLIV.). Alter prope sinum *Horna-sjörd*, in Quadranti orientali, nomi-

Lacus &
Amnes
Glaciei-
frangi.

mine *Baulu-Tign*, Bovis Lacus, (vid. §. LXXXIV.). Flumen *Hvit-a*, i *Borgar-fyrde* (§. XV.), fracta glacie, pluviam non longo, post tempore futuram, accolis indicat.

§. C.

Quomodo
elevata
Glacies præ-
signet plu-
viam,

Islandi talem glaciei fractionem, *Upp-bröt*, id est effractionem vocant, dicuntque vulgo: *Áinn eda vatnid*, brytur *Ísenn upp*, hoc est: Amnis vel Lacus effringit glaciem. Primum enim glaciem elevari, deinde magnis fragoribus vel strepitu dissilire tradunt, unde parta est vulgò occasio, tribuendi tantos effectus monstris subaqueis (§. 84.), indigna opinio, ut respondeatur, rerum enim tanti momenti causa esset longe nobilior. Sunt forte amplissima subtus receptacula aëris, qui a superiori crassescente pressus, per canales absconditos, e lacuum vel amnium fundis, prius protruditur, quam adventus pluviae prævideri potest, in superficie terræ,

§. CI.

Quomodo
eadens gla-
cies præsi-
gnet plu-
viam,

Sed sudare in rerum demonstrationibus, quas pro certis venditare neqveo, parum conducit ad meum pro-

propositum. Forte non effringitur glacies, sed subsidendo defilit, ut in aliis fluminibus observatum est. Possunt quoque hoc modo, in sævissimo gelu pluviam præsignare. Quo diutius enim terræ congelascunt, eo diutius glacies, cum ipsis terris, aqueas particulas in aerem evaporant. Jam vero diuturno gelu, non modo amnium & Lacuum aqua superior concrescit, sed & decrescit inferior hyematis rivis, qui aquam illis supeditant. Certum igitur tempus, & gelascentis terræ glacieique effluvia, quæ in Atmosphæra cōgregata, in pluviis decidunt; & decrementa aquæ, exigunt. Unde non mirum est, talem dari, in multis locis, utriusque temporis commensum, ut, quando magnorum fluminum lacuumve glacies, diminuta aqua, ruit propria mole & Atmosphære pondere, ingravata, tunc, non multo post tempore, pluviosa tempestas, sperari possit.

MEMBRUM QVARTUM.

DE

LACUBUS QVI VEL FLUMINA,
TANTUM SINE INCREMENTO
RECIPIUNT, VEL SINE DECRE-
MENTO EFFUNDUNT.

§. CII.

Lacuum
Natura du-
plex.

Non rari sunt in Islandiæ montanis lacus, quos, etiamsi vere non stagnet, tamen *Stöðu = vauth*, s: Stantes Aquas Insulani appellant. Horum Natura duplex est: Quidam magnos aquarum profluentes, excipiunt, nullos vero, vel minimos ex se derivant, sine quodam notabili sui incremento. Ejus naturæ complures occurrunt in dorso montium mediterraneo (§. V.)

§. CIII.

Quidam lacus in eodem dorso, licet in terræ superficie, vel nullam vel exipiant aquam exiguißimam, tamen sine ipsorum decremento, maxima ex illis flumina, continuo effluunt. Lacus Islandiæ maximus *Dingvalla-vatn* (§. XXIV.) unicum amnem, magnitudine mediocrem, *Öxará* exipit, quem bis vel ter exaruisse, in nostris Annalibus memoriæ mandatum est. Unam præterea exsiccationem vidi, quæ in annum (ni fallor) Millesimum, Septingentissimum Quadragesimum, Quartum incidit, in mense Julio, & per Quatuor-

tuordecim dies duravit, sine insigni quadam lacus diminutione, etiamsi tria maxima Flumina, accolis communi nomine *Sog* dicta, æquali semper in mare fluxu, exoneret.

§. CIV.

Talium eventorum causa in propatulo est. Prioris generis lacus (§. CII.), cum non crescant vel tantum aquæ superfundant, quantum accipiunt, necesse est subitus gignant & exundent fluvios. Pariter posterius genus (§. CIII.) cum non exhauriatur, vel plane evanescat, etiamsi amnes & flumina effundat, per abditos Mæandros accessionem aquæ fieri, ratio inculcat.

Talis Naturæ causa.

MEMBRUM QUINTUM

DE

LACUBUS ET FLUMINIBUS SUBTERRANEIS NUSQVAM APPARENTIBUS.

§. CV.

Unum tantum huic capiti annexendum restat, dignum sane, ut recensetur, eam ob rem maxime, quod nunquam in Islandia observatum fuisse audiverim. Notissimum est, circa montes, & maxime nivosos,

Montium Hydrophylacia.

subqve eorum radicibus; adesse va-
sta receptacula, in quibus aquæ par-
tim pluviales; nivales partim, mon-
tibus devolutæ confluunt. Hanc a-
quarum copiam, Montes, in specie
nivosi, five Jökli Islandiæ, eo abun-
dantius præstant, quo plures sunt &
vastiores (§. II. & IX). Cum enim
glaciales montes in aërem maxime
efferantur, nullo altiori monte, so-
lares intercipientes radios, sunt diu-
tissime solibus oppositi, & per con-
sequens, e soluta nive magnos tor-
rentes progenerant.

§. CVI.

Fluminum
Islandiæ
maximo-
rum Fontes

Sic Jökli mediterranei (§. V. XVII.
& XVIII.), ab Australi latere flumi-
na: *Hviit-a*, i *Bistups-tungum*,
a Boreali, *Jöfuls-a*, *Herads-
vötnen*, *Blöndu*, &c. producant.
E Montibus niveis orientalibus vel
Austur-Jöflunum (§. XXXII. &
XXXIII), *Jöfuls-arnar*, *Horn-
a-fiardar-flöt*, *Lagar-flöt*, &c.
promanant.

§. CVII.

Montes
Nivosi, qui
nulla flu-
mina gene-
rant.

Sed præterea plures habet, Mon-
tes Islandia, e quibus, rite subdu-
ctis calculis, magna aquarum vis
sub-

subter fluit. Ejusdem naturæ sunt duo illi Islandiæ montes maximi, in Quadranti Occidentali, *Glamá* (§. LI.) & *Sna-fells-Jökull* (§. LVIII.) Prior, etiamsi immensa nivium congerie, in longum latumque extensa, candicet, tamen nullus fluminum decursus, super terram notatur, præter paucos rivulos, quorum maximus est, qui in sinum *Stautu-fiörd*, maris *Isa-fiördici*, effluit. Similiter e Posteriori, Tres tantum vel Quatuor rivuli, quorum *Holm-Kyla* notissimus est, oriuntur.

§. CVIII.

Propter causas superius explicatas (§. CV.) non potest non ex his montibus, magna solutæ nivis copia, per abstrusos canales dimanare, quod porro confirmant, rupturæ illæ in glacie profundissimæ, quæ colliciarum instar, aquam nivalem deorsum ferunt. Si enim in crepidinibus adstes, ruentium subtus torrentium murmur audibis. Quantum jam ad *Glamam* attinet, non mihi satis clare: constat, utrum ejus aqua per ductus abditos, ad mare deveniat, an vero ad remotum quendam lacum,

Causa ultimas explicatur.

cujus in superficie terræ effluvia videntur. *Sna-fells-Jöfurs*, cujus naturæ gnarus sum, aquæ per meatus absconditos certe in mare defluunt, submissa enim monti terra, saxetis cavernosis & hiantibus scabra (§. LIX.), in mare procumbit.

§. CIX.

Fluminis
Moda
Disparitio.

Adhæc spernendam minime veterum traditionem adjiciam, de ingenti olim flumine navigabili, quod circa prima Islandorum tempora, e Monte *Sna-fells-Jöfle*, per disrupta versus Öndverdtnefium (§. 77.), saxa in mare se devolvisse ferunt. Inserunt deinde fabulam, de ejus disparitione subitanea, quam virtuti Barderi (§. LXXVII.) Magicæ ascribunt, quem ab accolis, aliisque, quibus flumen frequenter erat, trans-eundum, volunt idem, rogatum, evanescere fecisse. Tria in procinctu habeo; quæ Flumen extitisse comprobant. Primum, ad latus montis rudera; quæ pristini emporii esse, dicunt, nam ad hunc usque locum flumen potuit (juxta eos), navigari. Deinde, procurvus in litus locus, ingentis amnis alveo simillimus. Post-

re-

remo usitatum hodie loci nomen,
Moda, sive effusum late flumen,
 quod absque causa indepisci nequirit.
 Postea iccirco flumen disparuit, vel
 quod terræ motus, vel catadupi ve-
 hementia, harenam fundi discutien-
 do, aquæ canales, ad mare, aperu-
 erit.

CAPUT TERTIUM.

DE

MINERALIBUS ET METAL-
LIS IN ISLANDIA INVENTIS.

MEMBRUM PRIMUM

DE

DIVERSIS SALIUM SPECIEBUS.

§. CX.

Postquam terræ Islandicæ constitu-
 tionem tam quoad strata, quam quoad
 cavernositatem & meatus subterra-
 neos, in capite Primo & secundo
 hujus sectionis persequutus sum, ad
 eruendos ortus sive naturam Insulæ;
 incumbit mihi terræ generum diver-
 sorum enumeratio, quæ ejus natu-
 ram itidem denotant. Inter hæc ge-
 nera prima veniunt Mineralia & Me-
 tallæ, dein crassiores terræ.

Ordo in
 hac Sectione
 ne qualis.

§. CXI.

Mineralia
& Metalla
qualia pro-
ducat Islan-
dia.

Dudum fuit sæpius interrogatum, utrum Mineralia & Metalla proferret Islandia: in quo, (præsertim quod ad metalla attinet) eliciendo exprimendoque, sudare, mihi fortasse non melius succederet, quam si aquam vellem cribro ingerere. Satis est, terræ cunabula perturbatissima, nullum fodinis usitatis, nullum venis dare locum. Verum talium corporum sordes & quisquillas, five varie dispersas partes, non hic solum admittit erumpens Ignis, sed & postulat. Ad meam ergo thesin de Islandiæ origine fulciendam, tali Mineralium Metallorumque congerie utar, & quæ hic sunt species, enumerabo.

§. CXII.

Sal Fossilis
& Marinus.

Omniū mineralium in Islandia Sal est frequentissimus, communis puta. Ignivomorum montium (f) & in

(f) Nostri Annalistæ literis Mandarunt, quod post Heclæ Incendium, Anno Millesimo, Trecentissimo, Quadregesimo, circa ejus radices, tantum Salis (Svijska Salt vocant) copiam offendisse accolæ, ut multos illo eqvos onerare potuerint.

& in specie Heclæ eructationes retexerunt salem Fossilem, quem forte, ex intimis terræ, sub Islandia, visceribus, Ignis eripuit. Salem marinum, Salsedo Maris circumflui, non nemini nota ostendit, quæ nec Mediterraneo, nec cedit Atlantico Mari.

§. CXIII.

Salem artificialem non tantum hic optimum posse confici, sed & confectum esse a Veteribus, methodo illa, per aquæ evaporationem, antiquissima, tum nomina passim locorum maritimorum, indicant, ut prope Septentrionalis Insulæ Emporium (g) *Husa-við, Sallt-við*, sinus. In *Vest-fiördis* (§. VIII. XLII. & XLV.) (h) *Sallt-nes* promontorium. In Paroecia Montis Sancti (§. LVI.), (i) *Sallt-Þyre*, ora, & ostium *Sallt-Þyrar* os. Tum ipsæ
sa-

(g) Landnama-Saga Part. 1. Cap. 1.

(h) Sagan af Gísla Surtss. Syne cap. 19.

(i) Landnama-Saga Part. 2. Cap. 9. cōnf. Þornesfinga-Saga Cap. 27.

(k) Landnama-Saga Part. 2. Cap. 23. Ubi Sic: *Þallstein senþi þrællana til Salltgeorþar, i Svefn-eyar.* Id est;

salinæ ostendunt, quas Hallstanum virum nobilem, sub initium seculi Decimi, unum ex primis incolis, in maris Breyda - fiördici Insulis, *Svesn-eyum*, instruxisse, prodidit memoriæ antiquitas. Imo in pluribus Insulis Breyda-fiördicis, Sol, exhausta, in lacunis lapidum litoralibus, aqua, salem hodie relinquit. Optimum vidi & candidissimum, in Scopulo maris, *Fætinum*. In parva quadam Insula non longè a Prædio Nomarchiæ Dalensis, *Ballar*, post diuturnos æstatis calores, Sal, circiter Qvinque libris, Solis ardore excoctus interdum reperitur. In ipso quoque ejusdem Nomarchiæ continenti, Nostra (1) Monumenta, Ve-

Hallstanus misit servos, ad Salem conficiendum, in *Svesn-eyas*, sive somni Insulas. A somno enim quo obrutos invenit, ob infidelitatem interfecit Hallstanus, in *Præla-lag*, servorum lacuna, hodie visenda, denominatæ sunt. Hodie quoque visendus est locus maritimus, *Þöfnenn* sive Portus, in quo salem confecerunt.

(1) vid. *Blomstur*, (quæ etiam *Sturlunga-Saga*, sive *Íslendinga-Sagan*

Veteres, circa Annum Christi Millesimum, centesimum. Sexagesimum, salinas possedisse constat.

§. CXIV.

Ex his salis speciebus, plures hic adesse colligitur, ut nitrum & Hal-
 Nitrum, quod ignis, in erumpen- Nitrum
Hali-Ni-
trum & A-
lumen.
 do, virtutem, necessario excitare videtur (Disc. Præl. §. VI.) De Nitro in litore Australis Islandiæ passim invento, multa audivi, accepi quoque relationes Veterum de Nitrariis, olim sitis in rupibus *Kristu-
visur-Bjarge*, prope prædium *Kristu-
svit*, & nitro inde ad externos antiquitus exportato, incertæ mihi hactenus fidei. Alumine scatet Islandia, maxime circa thermas, ut Olve-
 fianas (§. XCV.), ubi magna ejus
 co-

Mitla, id est, Islandorum Historia Magna, dicitur.). Part. 2. cap. 13. *Hust-
arlat* at *Hvole* foro ut i *Eyar*, og
 er þeir qvamo afftur i *Sianro* sioat,
 þa festo þeir *Stipit* vid *Sallt-Holur*.
 Hoc est: Domestici Operarii in *Hvole*
 (Prædio,) transfretabant in Insulas, &
 redeuntēs, Decrescente mari, navem
 figebant, ad Salis foveas (Salinas.).

copia invenitur, ex (m) Halthori
cujusdam Johannæi Relatione manu-
scripta; qvi hanc provinciolum cho-
rographice descripsit.

§. CXV.

Vitriolum
Ferri & A-
cidulæ.

Vitriolo Ferri abundare Islandi-
am (n) *Ölfeldurnar*, (ut vulgo
di-

(m) Hæc sunt ejus verba: *Sia þessum
Sværum og lifa annarstadar, finnst
Alun.* Hoc est: Apud hæc thermas,
& qvoqve alibi invenitur Alumen. cf.
Mag. Th. Thorlacii dissert. de Islandia,
Se&t. I. Thef. 3. §. 4.

(n)(o) Horum fontium mentionem injieit
liber, cui Titulus est, *Su Konung-
lega a Stugg-Sia*, Latine, Speculum
Regale, antiqva nostra lingua, a Nor-
vago quodam Anonymo (non Rege, sed
ei proximo,) qvi in Papatu, seculo, nî
fallor decimo Tertio, vixit, conscriptus,
de Ethicis, Politicis, Oeconomicis, Ma-
thematicis, Theologicis, Physicis, in
triplici Naturæ regno, præsertim rario-
ribus, quæ in orbe hyperboreo observa-
ta sunt. Liber, separatis quibus adul-
teratus est fabulis & superstitionibus,
habitoqve ad ista tempora respectu,
neutiquam despiciendus. *Kellor þær
erö þær a Landi þui (Islandi), er*

dicunt) five cerevisiæ Scaturigines
monstrant, quas, prægnantes esse vi-
triolo, & sapor & facta experimenta
comprobant. Plures sunt in Pro-
montorio Snæ·fells·nese, ut in
Tefquis Frodar·Heyde (§. LXI.),
prope Emporium Buder (§. LIX.),
apud villam Hrisa·fot. Item ad
prædium Rauda·mel (§. LXI.), &
in valle (o) Hitar·dal (§. LXII.).
¶

Landsmenn kalla Ul·kelldr, fyrir
hvi svo kallar vatn, þat er þater i
þeim kelldom, er lifara þefat Mun-
ngati enn vatni. Gleitiro a hvi Lans-
di helldr enn ein Ul·kellda enn þo
er su ein, er agiatuz er af ollom þeim
oc bez, oc liggr su i dal þeim er heitir
Zitar·dalr; þat vatn er þat er i, er
gott at drecka, oc þefat all·litt
Munngati, oc þat er mælt, þat
fai a menn, ef þat er mioc druckit.
Hoc est: Fontes sunt in ista Terra (Is-
landia), quos Incolæ vocant cerevisiæ
Fontes, quoniam sic dicta aqua, quæ
in iis est fontibus, similior est Odore
(Sapore) cerevisiæ quam aquæ. Plures
sunt in ista terra, quam unus cerevisiæ
fontes, veruntamen unus est præstantis-
simus omnium eorum & optimus, qui
jacet in valle quæ vocatur Hitæ vallis.

(p) *Bl-fos & Bl-fellduhals*, in Australi Quadrante suis nominibus, indigitant, vitriolatas adfuisse aquas. Utrum (o) *Syrulætiar-os*, Rivi ejus nominis, in Nomarchia Skaptafellica (f. LXXV.), ostium, a tali *Syrri*, sive Acore nomen sumserit, adhuc nescio. Mons (r) *Struduren*, qui surgit excavatus, in Orientali mari, antrum habet, in cujus fundo stagnat aqua, eodem ferme modo mineralis.

MEMBRUM SECUNDUM.

DE
SULPHURE, BITUMINE ET ALIIS OLEOSIS.

§. CXVI.

Sulphur
Egestitium

Islandiam Sulphure esse repletam ex incendiis montium patet, inprimis *Aqvi-*

Aqua, quæ inibi est bonus est potus & odore gaudet persimili cerevisiæ, fertur etiam inebriare homines, si multum hauriatur.

(p) Ita Scripsit *Æra Prestur Seode Schedarum* Cap. 7.

(q) *Sagan af Olase Ronge Tryggva* Syne Part. 2. Cap. 57.

(r) *Landn. Saga* Part. 4. Cap. 6. conf. *Olase Saga Trigga*, sonar Part. 2. Cap. 13.

Aqvilonarium, circa Lacum *Mi-
vatn* (§. XLII.), ubi *Reykia*=*hlii*=
dar-Nainur, elata loca, harenosa
sunt & conferta sulphure, cujus ma-
gnam copiam Dani, paucis ab hinc
annis exportarunt.

§. CXVII.

Lapides ex magna parte Bitumi- Lapides Bi-
tuminosi.
nosi sunt, quos Islandi *Agat-Steina*
appellant. Ardent lente, Gagati si-
millimi, rubro, albo, sed nigro co-
lore frequentissimi, reperiuntur pas-
sim in Islandia, ut in Monte *Tinda-
stole* (§. XLIII.), ubi inveniuntur
præterea lapides, varia mineralium
tinctura, colorati, terique faciles,
vulgo *Natturu-Steinar*, quibus
virtutes multas attribuit vetus su-
perstitio.

§. CXVIII.

In montanis, *Æva-fyrde*, sinui Carbones
Fossiles.
(§. XLVI.) objectis exiguum mate-
riæ cujusdam Sulphureo-bituminosæ,
fodi audivi, quæ infima est carbo-
num Fossilium, sive Lithanthracum
species. Hac materia, propter ter-
restrem impuritatem, Fabri Ferrarii
uti nequeunt, nisi cum advectitiis
Carbonibus misceatur. Juxta meam

de natura Islandiæ thesin non dantur, nec dari possunt Lithanthraces in Islandia, nisi ejectionis, & per consequens, in Igne corrupti variisque referti sordibus. Tamen in profundiori terra, paulo meliores, quam in superficie, erui posse non diffiteor. Glebas illas Fossiles (§. LXXXII.), oleo, licet vulgo non sensibili; abundare, facultas Ignescendi promptissima, svadere videtur. Observatum quoque est, lætamentum esse terræ aptissimum, quod forsitan salis abundantia acceptum ferant.

§. CXIX.

Aqvæ Sulphuratæ.

Aqvæ sulphuratæ. frigida, plures ut antea dictum est, (§. XXXVIII. & XXXIX.), adsunt, in orientali Quadranti. Thermæ Islandiæ præque sulphureosæ sunt, eoque fervidiores, quo magis Sulphur redolent. Circa Thermas terra sulphureo-oleosa occurrit, quæ pro gradu excoctionis sulphuris, varie colorata, ab Insulanis *Svera* litur, appellatur. Circa thermas (s) Ölvesii Aluminatas (§. CXIV.)

(s) Ille ita: *Þia þessi Sverum og lifka annarstadar, finnst marglitadrur feytur Deygul-Mor.* Hoc est;

(§. CXIV.), ejus generis argillam reperiri, Auctor est Laudatus Johannaus. Thermæ circa Geyserum (§. XCVII. & XCVII.), ebullientes, ejus naturæ argilla, flavo, rubro & subrutilo colore, infectæ sunt. Maxime verò in prætio est terra, ad Balneas & Thermas Reyk-holtianas, (§. XXVI.), miniata, qua utuntur accolæ, ad asseres, tignos, postes &c. tingendos.

MEMBRUM TERTIUM.

DE

VARIIS METALLORUM SPECIEBUS.

§. CXX.

Frustra in Islandia, Metalla, nisi egestitia quæri, superius asserui (§. CXL). Nec ex novo fuisse generata, puto, excepto impuro ferro, in superficie terræ, quod Islandi (t)

Mineræ
Ferri in Islandia.

H 2

Rau.

Apud has thermas, & quoque alibi, invenitur multicolor, pingvis argilla (qua scilicet, ad formas, in Islandia, utuntur fabri ærarii.)

(t) Meminit hujus Mineræ Auctor speculi Regalis (vid. Not. ad §. CXV.). Talem in modum: *Al þui Landi er Malmr sa micill, er jarn skal af*

Rauda vocant. Hoc Minerali, terra illa ferrugine rubricosa, gaudet, quæ per universam Islandiam, & in primis, prope Ol-keldas, seu Acidulas occurrit (§. CXV.). De unico tantum viro, in parte Occidentali, audiui, quod ex hac terra Ferrum elicuerit, verum e vestigio, incepto destiterit, minimis impensis non respondente quæstu.

§. CXXI.

Qua ratione
ne enata sit.

Qua ratione Islandia ferrum producat, tam diu latet, quamdiu ferrariarum natura, non exploratur. Pluviam multum in causa esse opinor. Nam experimentis eruerunt Physici, aërem plenum esse minutissimis ferri ramentis. quæ pluviae in terram, plantas & alia vegetabilia invehunt. Sive jam Virtuti Magneticæ, sive aliis imputanda sit talis ferri circumlatio, percontari mea non inter est. Sufficit hoc modo probabilem esse in Islandia ferri generationem, ubi

giatura, oc Mienn kalla Rauda. Hoc est: In ista terra est metalli ejus magna copia, ex quo ferrum potest confici, & quod vocant vitellum (ad hunc enim rubore suo proxime accedit.).

ubicunque terra ad ejus naturam apta est. Suffragatur huic sententiæ situs locorum, quæ ferri minera gaudent. Sunt enim ubique humilia & per consequens uliginosa; quoniam depressiora petunt pluviae, ubi contentas in se terræ particulas congregant (conf. §. LXXXI. & LXXXII.)

§. CXXII.

Hrauna Islandiæ (Disc. Præl. §. X. & En. Hist. §. XI.), seu saxeta, e liquefacta olim materia concreta, Metallorum sordibus abundare dictum est, maxime Ferri ejectionis, quod ex omnibus metallis, impuritati terræ, lapidosæ, est amicissimum, & cujus scoriarum, colore, figura, & constitutione, similitudinem referunt (§. X.).

Hrauna
seu Saxeta
Metallica,

§. CXXIII.

De cæterorum metallorum præsentia certi nihil habeo. De Argenti & auri particulis multa audivi, hic inventis, dubiæ Fidei. Vidi adhæc, lapides, qui non raro reperiuntur, in ruinosis montium clivis, ut in Tistda = Stole (§. XLIII. & CXVII.), & Drapu · hludar · fialle (§. LVI.). Sunt facile friabiles, & micis, quas aureas vocant, Islandi, distincti. Mi-

Lapides
Micis Au-
reis distin-
cti.

cæ figura Quadratae, & extrinsecus & intrinsecus, auri instar vel Orichalci politæ nitent. Utrum hæ particulae, aliquid metalli in se contineant, latet. Agenti sententiæ propter nimiam levitatem diffido. Tamen esse Analogum quid Metallum, sulphure ex majori parte constans, non renuo. Lapis enim, in quo infixæ sunt micæ, mollis est, & male cohærens, imo in incendio quodam e cineribus compositus, quod si diffringatur, adustæ terræ nidor, saporque commonstrant.

§. CXXIV.

Lapilli Orichalci colore referentes.

Nec hic mittendi sunt lapilli, quos a loco suo natali, Midhusianos voco, inveniuntur enim æstate, maximo refluxu maris, in freto quodam Insularum maris Breidafjordici, quæ *Midhusa-Eyar* appellantur, & ad prædium Nomarchiæ Bardastrandiæ, *Midhus*, pertinent. Vulgo ignoti sunt hi lapides, tam exteris, quam ipsis Islandis, nisi forte paucissimis accolis, nec ipse illorum naturam perspectam habeo, multo minus hac vice accuratam eorum definitionem erudito orbi exhibere valeo,

leo, cum mihi admodum puero, & res Physicas nihil curanti, facta sit eorum videndi copia, a sene quodam, qui illos tanquam rarum quoddam & arcanum naturæ artificium, servabat. Hujus de iis certe memini: Magnitudine Pugillares vidi maximos, minores frequentissimos. Exterius sine interstitiis splendent, orichalci vel cupri instar, &, quasi ejusdem Metallī massa essent, apparent. Interius vulgares & rudes sunt lapides, quos Islandi *Bla gryte* vocant, quales in maris fundo & litore reperiri solent. Utrum e ramentis seu effluviis fundi Metallicis, adhærescentibus, an vero, a singulari modificatione salis, in fundo maris argillaceo, (quod tamen posterius citius mihi arridebit,) talem colorem induant, non est quod dijudicem, propter causas supra allatas. Melior se offeret occasio, aliquid de illis certius tradendi nec non perfectius, si quando illis potiar.

CAPUT QVARTUM.

DE
TERRÆ SPECIEBUS CRAS-
SIORIBUS, ET CONGELAN-
TIBUS SUCCIS.

MEMBRUM PRIMUM.

DE
CORPORIBUS PETERFACTIS
VITREFACTIS, LIGNOQVE
FOSSILI.

§. CXXV.

Petrefactorum corporum in Islan-
dia, minima pars manifestata est, ne-
mine inqvirente latebrasterræ. Quæ
pauca in promptu habeo, in medium
proferam. Excluduntur, a Petre-
factorum classe, quos in Saxum olim
conversos fuisse vulgus ad ferit, Lu-
cifugas & Noctivagos Gigantes, Is-
landice *Natt-Troll*, cujus naturæ
dicunt esse, in aspreto Australis In-
sulæ, *Sviina-Hraune*, *Trolla-
Bænnein*, Gigantum liberos, &
Scopulum maris in Nomarchia *Thing
ey ensi*, (§. XLII.) (u) *Natt-fara*, in
quem Virum ejusdem nominis, qui
cum Gardero Sveco, Anno octingen-
tissimo,

(u) *Landnama-Saga* Part. 1. Cap. 1.
Part. 3. Cap. 19.

De Gigan-
tibus Pe-
trefactis
fabulosa.

tiffimo, Sexagesimo, Quarto, appulit ad boreale littus Islandiæ, & in prædio *Natt=fara=við* habitavit conversum fuisse, fertur. Cum primis notum est Saxum, in Ripis Fluminis *Æyar=dals=a* (§. LXXVI.) in quod mutata fuisse Fæminam Giganteam, quæ cum Grettero Robusto colluctata est, (x). Ejus Historia Fluminis accolæ credere, testatur. Sed Aniles, ejus farinæ, nugæ, nullam merentur fidem, tum quia talia Saxa, nullam staturæ humanæ, nullam figuræ similitudinem referunt, tum quia talis transmutatio subdialis tamque repentina omni experientiæ, sanæque rationi refragatur.

§. CXXVI.

Multi sunt ferventes fontes, in Islandia, qui virtute perfectè petrifica gaudere creduntur, etiamsi injecta corpora, cortice tantum lapideo, induant. Idem tradunt de Geysero (§. XCVII. & XCVIII.), accolæ, licet non nisi una immissione experti fuerint. Cum vero paucarum horarum intervallo, injecta quævis red-

Thermæ
Imperfecte
petrificæ,

H 5

dat

(x) Sagan af Grettete Ásmundarsýne
Sterka Cap. 62.

dat Geyserus, iterari deberet immis-
sio. Post primam enim immersio-
nem, lignum parum quid incrusta-
tur. Integra autem mutatio, lon-
gius exposcit tempus.

§. CXXVII.

Thermæ,
perfectæ
Petrificæ.

Terra Olvesica (§. XCV.) Scatu-
rit Thermas & calentes rivos, qui,
Teste (y) Johannaeco (§. CXIV &
CXIX.)

(y) Se ull (seger hann) edur þess haxta-
ar, og liintegundir, lagðar í þessa
Læte, verda þær með Lang seme,
ad Steine, eda haurdum Mo, þo
med sama forme og Sluturin, sem
lagdur var þangad í Sýrstu. Hoc est:
Si Lana (inquit,) vel ejus generis, &
Lini species, injiciantur in hos rivos,
fiunt, diuturnitate lapis, vel dura ar-
gilla (lapis scissilis,) tamen cum eadem
forma, ac res, quæ ibi primum erat
posita.

Autor Speculi Regalis (vid. not. ad
§. CXV.) De fontibus Islandiæ fervore
æstuantibus differens, hos Olvesicos,
procul dubio, innuit, his verbis: Þat
ero þær klldr, et æ oc æ vella aka-
fliga, bædi verr oc sumar, oc er
stundom svo micil afesd þeirra vello,
at þær spia langt í loft upp þui eno
heita vatni. Enn hvat sem Mennt
leggja þar í hia klldonom, huart

CXIX.) omnifaria corpora, si in illos injiciantur, in lapidem longo post tempore permutant. Horum Fontium unus maxime nobilitatur, prope prædium & Paroeciale templum *Keyte*. Similiter in Terra *Reistholana*, quam *Thermis* abundare Superius dictum est (§. C.) Petrefactum lignum inventum est cujus parvum fragmentum, minus Durum; Pinuique Simillimum, ad manus habui. Nigredo insuper hujus ligni indicare videtur vetus incendium, in quo in carbones primum, & postea in lapidem versum fuit.

§. CXXVIII.

sem Tre edr Klædi, edr hvorn lut, sem vatn þat kann a at Róma, i nidre falli sino, þa verdr allr at Steine. Hoc est: Ibi sunt fontes, qui semper æstuant vehementer, & hyeme & æstate, estque interdum tanta vehementia illorum æstus, ut evoment admodum sublime ferventem aquam. Quicquid vero ponitur prope hos fontes, sive lignum sit sive pannus, sive qualibet, res, quam aqua potest offendere in delapsu suo, totum lapidescit.

§. CXXVIII.

Lacus &
Fluvii per-
fecte petre-
fieri.

Aqvæ quædam perfecte Saxificæ, frigescentes, in Islandia, notæ sunt. Flumen in parte Septentrionali maximum, *Herads-Vötnin* (§. CVI.) ligna in durum densumque lapidem convertit. Vidi pineum ex hoc ligno asserculum, nigredine ad ruborem inclinante. Quadrans Orientalis, alias aqvosissimus, ligna petrefacta producit. Non longe a sinu *Reydar-fyrde*, in Nomarchia Mülensi (§. XXXV.), nescio in quonam lacu vel flumine, ingens lignum Abiegnum repertum est, cujus portionem ad manus habui, crassitudine, cum cortice, Bidigitali, Latitudine palmari, bipalmi vero longitudine. Juxta convexitatem asseris, lignum in circulari ambitu, fuit Tricubitale, colore plumbeo, non tamen tanta durezza, nec densitate, ut illud *Herads-vatnicum*.

§. CXXIX.

Succi Petri-
fici Natu-
ra & quo-
modo Na-
turam Is-
landiæ ap-
criat.

Non universa Islandiæ terra prædita est virtute lapidifica, passim enim putrefacta ligna effodiuntur, quæ præsentem vi Saxifica, transmutata fuissent. Gradus petrefactionis cor-
po-

porum, secundum elaborationis & commixtionis gradum succi Petrefici, variat. Qualis autem sit hic succus, distincte nequit explanari. Ramenta lapidum adesse certum est, quæ humore quodam, sive salis, sive alio, minerali, coagulata, objecto agglutinantur corpori. Quando corpus intrinsecus lapidescit, necesse est, tam bene temperatum esse & attenuatum humorem, ut poros omnes pervadat, quo facto, vi sua peracri & arrosiva, exedit partes corporis, novasque e rasuris lapidum substituit, pristina fibrarum dispositione retenta.

§. CXXX.

Humor petreficus, per se non est signum enatæ Islandiæ, nam plures sunt antiquissimæ terræ quæ illo etiam abundant. Sed cum antea allatis argumentis sumtus, tam Mineralium præsentiam, quam subtilissimam lapidum dissolutionem testatur. Ligna præterea subterranea, vehementissimam terræ revolututionem monstrant sive hic innata Pinus & Abies (§. CXXVII.) sive adventitia, Sepulta fuerit, superingesta aliunde terra.

§. CXXXI.

§. CXXXI.

Lapidis
Rafetinnæ
natura.

Circa lacum Ignivomum, *Mii-
patn* (§. XLII, & CXVI), lapis cre-
bro reperitur, Islandis *Grafu-Tin-
na*, a corvi nigredine & duritia fili-
cis, nomen sortitus. Danis, sub no-
mine, *Islands-Agat*, notus est.
Hic lapis nitidissimus est, nec non
lævissimus, duritate Adamantina,
quare non nisi effusissimo sumtu,
cælari & expoliri potest, a Gemma-
riis. In Igne subterraneo natus fu-
isse videtur, e massa calcinatorum
lapidum, vulgarium, Vitrefacta: nam
licet propter particularum Crassitu-
dinem, obscurus esse videatur, ta-
men cuneatus, in aciei extremitate
pellucet.

§. CXXXII.

Ligni Fos-
silis natura

Ad Petrefactorum classem quidam
retulerunt Ligna Fossilia, non recte,
forte quia ipsa non viderunt; natu-
ra enim illorum, qua ligni instar dif-
findi edolari & nitidissime perpoliri
patiuntur, probat contrarium. Non
tamen hoc fossile genus lignum est,
nec vegetabile, cum vasa non ha-
beat, succo nutricao, recipiendo;
idonea, non in terra radices agat, nec
supra

supra terram diffundat ramos. Ab Islandis *Surtar-brandur*, five nigrum tignum, appellatur. In Tribus Nomarchiæ Isafiördicæ (L, LI & LVI.) montibus, hoc Fossile corpus, sub radicibus, invenitur. E Fissuris rupum sese exserit, impurum, corticosum, vel magis terrestre; intrinsecus fibris gaudet subtilissimis, in longitudinem porrectis. Quo penitius est eo perfectius, optimum flexile, Ebено non cedit. Hinc ab accolis, in orbes, Scriniorum pedes, mensas &c. tornatur. Omni ligno gravius, in aqua mergitur, non putrescit, nec igni admotum facile inflammatur sed uritur terræ instar. Materia videtur esse ligni analogum, generatione Minerale, qua ratione in Islandia primum provenerit, tamdiu latet, quamdiu ejus constitutio perspecta non habetur. Quare, næ foret curæ pretium, ejus naturam exquirere rimari.

MEMBRUM SECUNDUM.

DE

SAXIS SCISSLIBUS ET CON-
CHIS CRYSTALLIZATIS.

§. CXXXIII.

§. CXXXIII.

Saxorum
scissilium
copia.

De exorta, Ignis virtute, Islandia, Thesin, firmissime tuentur & suffulciunt, scissiles rupes, quarum maxime vulgaria sunt, quæ ab Insulanis, **Mo=berg**, appellantur, & per universam Islandiam dispersa sunt. Prope Tesqva, **Lingdals-Heyde** (§. XXII. & LXXIX), **Langar-vatus-Hellrar**, antra, in Scissili Saxo. Sub Monte Eya-fiallis (§. XIX) **Brusa-Hellir**, sive Brusonis antrum, in cuius camera, mihi relatum est, conspici hodie lectum ejus nominis Gigantis, exsculptum e Saxo, & in lecti medio foramen, per quod, ejus Percussores, viam, gladiatorum mucronibus aperuerunt. Permultas tales rupes, Antiquis notas fuisse, e monumentis vetustissimis clarescit. In Australis Islandiæ Flumine, **Rang-a**, (z) **Mo-Hellur**. Hic etiam, in Sudur-nessiis, Amnis (a) **Mo-gils-a**, & prope prædium **Geyt-land** (§. LXXV.) (b) Rupes scissiles vastissimæ,

(z) **Nials-Saga** Cap. 47.

(a) **Landnama-Saga**, Part. I. Cap. II.

(b) **Sagan af Gunnare Keldugnups-Sifle** Cap. I.

mæ, in quibus legi, veteres, antra incidisse & variè excavasse, ad fœnum inibi hyeme, pecudesque custodiendum. Montanæ rupes, (c) *Seyna=biaurg*, ad finem *Horna-fiord* (§. XCIX.) sunt a propria coctium mollitiæ, denominatæ. In Normarchia *Huna=vatus=sylu*, prædium (d) *Mo=berg* (§. XLIV.), item *Mo=bergs=latur* & *Mo=gils=latur*, a Saxis Scissilibus nomen acceperunt.

§. CXXXIV.

Ex Saxorum Scissilium constitutione & situ, liquet, ipsa olim fuisse limum egestitum, semper enim in valles prona sunt vel projecta, stratisque frequenter interstineta. Cum jam in Principio limum fuerint, necessario ab Igne coacervata sunt. & indurata, postea, expulsa solis ardore aqua (Disc. Prael. §. X.) Maxime confirmant hanc sententiam, lapilli isti omnigenii, qui in talibus Saxis in-

Quomodo exorta sunt.

I

clu-

(c) *Nials Saga* Part. 93.

(d) *Landnama Saga* Part. 3. Cap. 3 & 5.
Sagan af Olaf Konunge Triggvass
syue Part. 2. Cap. 99.

clusi occurrunt, ut in Rupe Presta-
steine, prope Grasna-biaurg (§. XXII.) & innumeris aliis, idque eo
magis, quo montes, in quibus con-
gesti sunt, evidentius Ignis virtute
exstructi sunt. Hos quoque montes,
in ipso maris fundo, non vero in ter-
ra, quæ superavit mare, erexisse
Ignem, lapides majores & minores,
qui alias in maris fundo & in littore,
inveniri solent, commonstrant. Si
enim ad summa montium cacumi-
na ascendas, saxis sine numero in-
volutos offendes. In Snæfells-
nesii montibus altissimis (§. LVIII.), Bu-
lands-Höfda (§. LVII.) & Enne
(§. LXXVII.), ejusdem naturæ saxa,
quæ procellis & turbinibus dimota
de celissimis fastigiis frequenter ca-
dunt, notavi.

§. CXXXV.

Conchæ
Maris Cry-
stallizatæ.

Pari modo conchæ marinæ; quæ
in limoso maris fundo vescuntur, in
talibus terrarum aggestionibus, limo
involvuntur, quod in eruptione Ig-
nis, quasi condepstum, cum reliquis
Ignis rejectamentis egeritur, & ante
dicto modo (§. CXXXII.), exsicca-
tur. Conchæ vero involutæ, qua-
rum

rum corpora e puriori terra, & maxime Salis humoribus coalita sunt, crystallizantur, excocta nimirum aqua, calore solis, terræ vero vel carnis fibris inarefactis, Salis humor coagulatur, & Sex angularem figuram induit. Ejusdem naturæ conchis, quas *Kuf-steljar* Islandi vocant, crystallizatis, rupes quædam referta est, in Nomarchia *Ding = Eyar = Syslu*, non longe ab Emporio *Husa = vit.*

MEMBRUM TERTIUM.

DE

FLUMINIBUS ISLANDIÆ
LACTEIS.

§. CXXXVI.

Huic capiti pauca annectere visum fuit, de fluminibus Islandiæ, quæ Flumina lactea. quasi lactea essent apparent, quorum maxima in Australi parte, (e) *Hvita*

I 2

a,

(e) *Sagan af Eygle Skalla Grims*, syne Cap. 30. Ubi de hujus Fluminis nuncupatione agitur, diciturque, quod primi repertores, Norvagi, ad visum inusitatae aquæ, obstupesciti, constiterint. His Verbis: *Skalla Grime for up med ari, er þæt kauleþo hvita, þvi þæt haufþo æi sit set vantur þau, er or Jotiom fello, oc þoTi*

a, i Borgar=fyrde & (f) Hvita,
i Bistups=tungum. In Boreali
vero (g) Blanda, nominis sui occa-
sionem veteribus dederunt.

§. CXXXVII.

Causa Al-
bitudinis
Fluminum.

Hoc aquæ genus Islandi vocant
Jökla=vatn, quia nivosi idem Mon-
tes progenerant. Non tamen albe-
scit nive, ut vulgo, absque omni ra-
tione creditur, sed calce subtilissima,
qua

þeim Min undarlíga lít. Hoc est:
Skalla Grimerus (cum suis profectus est,
Secundum Amnem, quem Hvita (Al-
bum Amnem), vocabant, non enim
prius viderant aquas, quæ de Jökliis
(Montibus Glacialibus,) labuntur, &
visus est illis Amnis mire coloratus.
Confer. Landnama Saga Part. 1. cap.
17. 20. & 21. Part. 2. cap. 1. & 2. Olafs
Triggvasonar Saga Part. 2. cap. 58.
& 73. Eyr. biaggia Saga cap. 52. 56.
(f) Landnama Saga Part. 5. Cap. 11.
(g) Blanda proprie liquidorum Misturam
significat, cum igitur hoc flumen, co-
lore suo ad lac accedat, cui multum a-
quæ admiscetur, Blaundu ipsi nomen
veteres indiderunt. Landnama Sa-
ga Part. 3. Cap. 5. 8. &c. Olafs Trig-
gvasonar Saga Part. 1. cap. 168. &
Part. 2. cap. 2. 21. 54. & 69.

qva Montes, Islandici, ut exusti, interius scatent. Semper enim in albicantium fluminum marginibus, adest, qvædam, colore cymatili, argilla subtilis, qvæ calcem & pumices albos (§. XII.), in se continet. Hanc argillam, e montium, & præprimis nivoforum, ubi maxima aquarum vis confluit (vid. §. CV.), penetralibus, fluvii secum abripiunt, deferuntque in litora, calce, ut leviori, in aqua, retenta.

CAPUT QUINTUM.

DE

MARI ISLANDICO, APPENDIX BREVIS.

MEMBRUM PRIMUM.

DE

LITTORE ISLANDICO.

§. CXXXVIII.

Potuissem quidem Priori Sectioni hoc caput, annumerare, sed cum maris, sive fundi Marini natura & constitutio, qva Incendia submarina & enatas monstrat Insulas, ignota sit, posteriori istud Sectioni, adjunxi. Similiter, quoniam cum littore mare

Mare Islandicum
quare hic
describitur.

incipit, & inæquali fundo, montes, partim in se abscondit, partim, qui Insulæ appellantur, erigit altiores, & littus & Insulas, carptim persequi, institui.

§. CXXXIX.

Littoris
Australis
constitutio.

Non modo in umbilico exusta est Islandia, sed & ipsius oræ seu extremitates, Ignis passim vestigia ostendunt. Sic, ut Australis terra aspera est & exusta, (§. XV. ad XXIV.), ita, tam Promontiorum, quæ **Sundur-nes**, vocantur (§. XXVIII.), quam reliqui littoris Saxa, in Igne vel erosa sunt, vel sulphurea tantum fuligine perfusa.

§. CXXX.

Littoris
Orientalis
constitutio

Littus Orientale, scöpulosa promontoria, mixtim flexuosum reddunt, mixtim tractus cinerum, in mare excurrunt. Promontorium Longum (§. VII. & XXXII.), rupibus itidem nigratis, e mari attollitur. Hujus Quadrantis littus, in pluribus locis immutatum est, Austur-Jöklorum (§. XXXII.) Sævitia, qui egestu Saxorum cinerumque, littus, in mare usque operuerunt.

§. CXLI.

§. CXLI.

Littus Septentrionale, in multis ^{Littoris} locis, pariter montosum est, abrupt- ^{Bor. con-} tisque cautibus, quæ lugubri adustio- ^{stitutio.} ne nigricant; in mare protenditur. Supra dictum (§. XLII.) est, Hraunhafnienſe littus, Saxetis esse ab igne productis, confragolum. Descripta quoque sunt, in hac parte, in hac parte promontoria, Randi-Gnupur (§. XLIII.), Tindaſtoll. (§. XLIII.), Siglu-nes (§. XLIII.) & Vatns-nes (§. XLIV.).

§. CXLI.

Littus occidentale, est etiam ex ^{Littoris} magna parte delineatum. Pen-In- ^{Occident.} ſula veſt-ſyrdir (§. I. ad LIII.) Sur- ^{Conſtitut,} git e mari ardua, enatis promontoriis & præruptis illis nigrisque rupibus, Laatra-biarg & Biargtan-gar, quæ in mare, versus occidentem longissime exporriguntur. In reliquo hujus quadrantis littore, notissima Promontoria & maritimi montes descripti sunt (§. LV. ad LVII.). Promontorii Snæfells-ness, situs & natura (§. LVIII.) delineatur. Hic scopuli in littore Ge-
 4 mi-

mini (h) *Lon-drangar*, ad lacum
Lonit (§. LXXXVIII.), a quibus
 Saxerum *Dranga-Hraun* (§. LIX.),
 nomen duxit, mira cum altitudine
 acutissimi, Ignis in littore eructatio-
 nes aperte monstrat. Paucis: Uni-
 versa, in circuitu Islandia, tam flexu-
 ris littorum creberrimis, quam Saxo-
 rum nigredine, mirandisque fractu-
 ris & inversionibus, turbulentissimos
 natales suos indigitat.

MEMBRUM SECUNDUM.

DE

INSULIS IN MARI ISLANDICO.

§. CXLII.

Relicto Islandiæ littore, ad Insu-
 las me confero, quæ plures eminent,
 in Islandico mari, fundumque totum
 maris, asperum esse & montosum
 ostendunt. In Australi mari pleræ-
 que, postquam habitata est Islandia,
 protuberarunt. Ex Antiquis, con-
 tra Promontoria *Sudur=nes* (§.
 XXVII.) notæ sunt; (i) *Vid=ey*,
 ubi olim cœnobium *Vid=eyar=*
Klau.

Insulæ in
 Mari Au-
 strali.

(h) *Landnama; Saga Part. 2. Cap. 7.*
 (i) *vid. Annales Islandicos passim.*

Klaustur (k) Geyrs = Holmur,
 Horderi Holm. veria. Kappa &
 ejus Sociorum refugium, & (l)
 Eyng ey. Remotiores sunt Stor-
 ey, a fissura rupium dicta & Geyr-
 fugla = ster, propior, a Keytia =
 nestio (§. VII.) Duodecim Milliari-
 um Norvagicorum intervallo distat.
 Amborum antiquitas mihi suspecta
 est. E Regione oræ, quæ Ey-
 Sandur vocatur, in Nomarchia
 Rangar-valla syflu, sitæ sunt (m)
 Vest manna. Eyar, habitatæ, quæ
 integram Nomarchiam constituunt.
 Piratæ Tunetani bis hic exscensio-
 nem fecerunt. Insulæ sunt plures
 numero, abruptis atratisque rupi-
 bus constantes. Hrauna quoque hic,
 sed postea exorta sunt.

§. CXLIV.

(d)

In Orientali mari sunt (n) Hrol-
 laugs. Eyar, a Hrollango, viro
 I 5 No-

Insulæ in
 mari Ori-
 entali.

(k) Landnama, Saga Part. 1. Cap. 20.
 & 21. Sagan af Herde oc þeim Holm-
 verium Cap. 24.

(l) Nials. Saga Cap. 11.

(m) Landnama, Saga Part. 1. Cap. 7. &
 Part. 5. cap. 2.

(n) Landn. Saga Part. 4. Cap. 8. & 9.

nobili (qvi Frater erat Rolfonis, qvi Neustriam Seculo Nono occupavit), denominatæ. (o) **Dap Ey**, habitata, sic dicta ab Hominibus, ex Hybernia, Christianis, qvos Norvagi **Papa**, vocabant. Hi, Gentiles abominantes, detecta a Norvagi Islandia, discesserunt. Vicinus est huc Insulæ, enatus e mari Mons (p) **Skudurin**, qvem superius (§. CXV.), attigi.

§. CXLV.

Insulæ in
mori Bo-
reali,

In Boreali mari sitæ sunt (q) **Flat-ey** & **Hris-ey**, habitatæ. In Nor-
marchiæ **Hegra-ness-syslu**, sinu
Staga-syrde. (r) **Drang-ey**, in-
cul-

(o) **Landnama-Saga** Part. 4. Cap. 11. & **Præf. Landn. Olafs Triggvasonar**
Saga Part. 2. Cap. 4. confer. **Schedas**
Ara Præsts Froda Cap. 1.

(p) **Landnama-Saga** Part. 4. Cap. 6. & **Sagan af Olase Ronge Triggvasyne**
Part. 2. Cap. 13.

(q) **Landnama-Saga** Part. 3. Cap. 12. & 17. confer. **Sagan af Vemunde og Viga Skutu** cap. 6. & 13. **Sagan af Viga Glume** cap. 27.

(r) **Sagan af Grettir Sterka** cap. 64. &c.

culta jacet, alias Grettei Robusti exilio, & misera morte, clarissima. Hæc Insula natura munitissima, Scopuli instar erecta est, (quod nomen ejus significat) inaccessa omnibus, nisi arte esset superata. Constat enim ex magna parte, scissili Saxo, cui clavos veteres impulerunt, fixeruntque infuso plumbo. In his hodie clavis, scalæ pendent, per quas fit ascensus. Enatam esse hanc Insulam, Saxum Scissile, inclusive illi marini lapides, indicant (vide §. CXXXIII.): Longinquiorum in hoc mari proxima est (s) Grims-ey, habitata, quæ a Nomarchiæ Skaga-fiordicæ littore, Septem Milliarium Norvagicorum intervallo distita est. Ab hac vero, versus Boream, duodecim Milliarium intervallo, (t) Kol-beins-ey, scopulosa, disjungitur. Vulgo ignotæ sunt, versus Euro-aqvilonem, a Langanefio (§. VII.), Egis-ster & Egis-land, in medio

(s) Sagan af Gudmunde Rísa og Þorgeire Liosverninga, Goda cap. 22. & Sagan af Þeimunde og Víga, Stútu cap. 8.

(t) Landnama Saga Part. I. Cap. I.

dio mari inter Grönlandiam & Islandiam.

§. CXLVI.

Insulæ in
mari Oeci-
dentali,

Ad Pen-Insulam, Vest-fyrde pertinet, Vigurin, Ved=ey, (u) Grims=ey. Mare Breydafiordicum (§. LV.) innumeris Insulis plenum, Solis plerisque, quæ ad habitatas, circiter viginti numero, pertinent. Habitarum Ocellus (x) Flat=ey, antiquissimo cœnobio celebris, & codice Regiæ Flateyensi, qui Antiquitatum Septentrionalium maximam partem complectitur, Ad hanc tantum Insulam, Ducentæ Minores, pertinent. Notæ sunt præterea veteribus (y) Hergils=ey, (z) Svefn=eyar (§. CXIII.) (a) Biarn=eyar (b) Olafs=eyar & Hvals=Hauß=Holmur, Oxu

(u) Landnama Saga Part. 2. Cap. 5.

(x) Landnama Saga Part. 2. Cap. 19. & Sagan af Gull Þorir cap. 10.

(y) (z) Landnama Saga Part. 2. cap. 19. & 23. conf. Gísla Surs, Sonar Saga Cap. 25.

(a) Landn. Saga Part. 2. cap. 19. Níals Saga cap. 9. & Laxdæla Saga c. 10.

(b) Sagan af Grettir Asmundatsyne Sterka cap. 51.

(c) *Örn-ey* (d) *Helga-fells-eyar*,
 (e) *Dimon*, prope quam *Dinnon-
 nar-Klaðar*, Montes duo in mari
 eminentes, altissimi & simul acutis-
 simi, qui rupibus abruptis & nigri-
 cantibus, exustaque harena aperte
 constant. Similiter (f) *Ellida-ey*
 & (g) *Høstulds-ey*, atratis rupi-
 bus assurgunt. Disjunctissimæ sunt
Kross-eyar, a Decussato inter se situ
 denominatæ, & (h) *Gunn-biarnar-
 eyar*, Insulæ amplissimæ, olim ha-
 bitabiles, nunc perpetua glacie cir-
 cumgelatæ. Distant a Pen-Insula-
 nis Octodecim Milliarium Norvagi-
 corum intervallo, iisque Argesten
 spectant.

§. CXLVII.

-
- (e) *Landnama-Saga* Part. 2. cap. 14. &
Dornesinga-Saga cap. 29.
 (d) *Eyrbyggja-Saga* cap. 16.
 (e) *Landn. Saga* Part. 2. cap. 14. *Eyr-
 byggja-Saga* cap. 27. & 29.
 (f) (g) *Landn. Saga* Part. 2. cap. 19. &
Dornesinga-Saga cap. 4. & 27.
 h) *Landn. Saga* Part. 2. cap. 14. & 29.
Eyrbyggja-Saga cap. 27. *Olafr Sa-
 ga* Triagva-sonar Part. 2. Cap. 61.
Grænlands-Saga cap. 2.

§. CXLVII.

Insulæ cir-
ca Islandi-
am, qvæ
ratione
fertiles e-
vaferint.

Insularum jam enumeratarum plu-
res sunt, qvæ Ignis præ se non evi-
dentes ferunt reliquias. Sed nihil ad
rem facit, fertiles enim & grami-
nosæ, tam per pluviæ Disc. Præl.
XIII.), quam maris, præsertim si hu-
miles sint, fluctuosi & tumidi aspergi-
nem, quam Islandi, *Sia-Rof* vocant,
fœcundantur. Accedit, tam infra-
cta veritas; ut si enatas esse renuisssem,
statim herbam porrigere cogerer, &
fateri, naturam ea subditi, & coram
omnibus, oculuisse, qvæ sub mari
altissimo, convelare nequirit, quod
post hæc ulterius monstrabitur.

MEMBRUM TERTIUM.

DE

FUNDO MARIS SALEBROSO
ET EXUSTO.

§. CXLVIII.

Quomodo
appareat,
quod cin-
tae sint In-
sulæ.

Ut Insulæ in mari Islandico, Veni-
liæ beneficio, superius inundantur, ita
inferius illas Salacia denudat, osten-
ditque nobis varie inversas salebro-
sasque radices (Disc. Præl. §. XII. &
En. Hist. §. CXXXVII.). Frustra
autem cineres hic qværantur, cum
il-

illos, ut levissimos mare diluat, exceptis celsissimis montibus, quales sunt **Skrudurinn** (§. CXV & CXLIII.), & **Dimonar-flættar** (§. CXLV.) quorum, supra mare, Ignis, fastigia, longe subrigit.

§. CXLIX.

Extenduntur etiam Hrauna, sive salebræ (Disc. Præl, §. X. & En. Hist. §. XI. & CXXII.), per magnam partem maris Islandici, quæ vel in Insularum vel Montium submarinorum, natalibus & evomitionibus, Ignis produxit. Piscatores Islandici, qui fundi naturæ sunt gnarissimi, tales aspretorum tractus, cum montibus & hiatibus, detexerunt, partim bolide, partim, fortuito, hamis & Ancoris, quarum dentibus lapides cavernulosi, **Hraun-steinar**, (ut vocant), inuncati, extrahuntur. Habent enim certa spacia, in maris fundo, tam accuratè determinata, observando in continente, montium situm, inter se relativum, ut punctum in remotissimi maris fundo, quodcunque velint, inveniant. Hæc Spacia, hodie (i) **Mid & Siste-mid**

Hrauna
submarina
quomodo
delegantur

vo-

(i) Sagan af Viglunde væna cap. 10.

vocantur, veteres etiam (k) *Vastir* appellabant.

§. CXL.

Hrauna
submarina
sunt pisco-
sa.

Hinc *Hrauna* submarina, in omnium ore versantur, & frequentantur, propter copiam sublatentium piscium, licet Summa cautela, evenit enim sæpius, ut hami vel dentes ita infigantur salebris, ut lineam vel Ancorale cedere cogatur Piscator, qui tum *Hraunfastur*, sive salebris infixus dicitur.

§. CLI.

SaleAræ in
mariaAustr.

Hæc de salebris submarinis generatim notavi, speciatim vero, quæ sequuntur: Australe mare Islandiæ, totum salebrarum tractibus dorsuosum est, quarum magna pars, postquam incolæ cœpta est Insula, exorta est. Ignis enim hic sæpius, præcipue ex opposito, Promontorii *Reykjanes* (§. VII.) e fundo se proripuit, Insulasque generavit. Similiter mare Westmannicum Salebrosum est (§. CXLII.).

§. CLII.

(k) *Sagan af Gísla Surssýne* Cap. 25. confer. *Edda Isl. Dæjne, Saga* 42.

§. CLII.

In Mari Islandiæ orientali & Aquilonari, Aspreta determinata exhibere nequeo. Illa tamen adesse sparsim Piscatores confirmant, sciuntque nominare *Hraun-lægiur*, salebris incubantes pilces, ut Soleas, Asellos longos &c., qui in talibus Saxetis maris, stabulantes, gracilescunt, squamasque deterunt.

Salebræ in mari Orientali & Aquilonari.

§. CLIII.

Paulo mihi notior est maris occidentalis natura. Isafiardicum vulgo *Isa fiardar-diup*, (§. L. & LI.), totum ita confragosum esse & exasperatum piscatores, accolæ, testantur. Mare Breýdafiordicum Salebrosum est. In Freto *Flat-eyar-sunde*, quod Flateyam & Svefneyam (§. CXLV.), interluit, incipit Hraunorum Scabrities, quæ per Duo Milliaria Norvagica (nisi; quod hareno-sis areolis, in quibusdam locis interrumpatur) ad parvam Insulam, piscatura & calida, e submarina rupe, dulcis aquæ scaturigine, notam, *Odd-biarnar-ster*, & deinde Sex Milliarium spatio, versus sinus ostium, protenditur. Parilis fundi asperitas,

Salebræ in mari Occidentali.

in Midis (§. CXLVIII.) Latrenfibus (§. CXLI.), & ex adverfo Snæfellenfibus, (§. VII. & LVIII.), ubi finus *Breyde-fiördur*, oceano aperitur, detecta est.

§. CLIV.

Evripi in
mari Islan-
dico.

Præterea Fundum maris Islandici Montuosum esse, hiatibusque & Saxis Summe indigestis, inæqualem, creberrimi Evripi, Islandice *Rástir*, commonstrant. Horum periculosissimus est navigantibus, *Langa-ness-Róst* (§. VII. & CXXXIX.) & *Latra-Róst* (§. CXLI. & CLII.), qui, Mercatorias naves ingurgitat. In mari *Breydafiördico*, Piscatores invenerunt rupturam fundi vastissimam quæ *Kolla-all* vocatur. Hæc medium sinus fundum dissecat; immensa profunditate & longitudine, sed latitudine unum vix stadium excedit. Videtur hic fundus, in Insigni quodam terræ motu, five alia ejus generis revolutione, discessisse (vid. Disc. Prael. §. VIII. & En. Hist. §. XXIV.)

§. CLV.

Ejectamen-
ta maris,
pristinum
incendium
indicant,

Varia rejectamenta maris, fundi insuper incendia patefaciunt, ut *Pumices Albi & Nigri* (§. XII.) *Lapides*

des illi Bituminosi, **Agat-Steinnar** (§. CXVII.). Vidi & alterum genus lapidis, viride, quod in Svesneyarum littus (§. CXLV.), ejectum est. Facillime accendi patiebatur, gravemque sulphuris foetorem emittebat.

§. CLVI.

Hæc sunt, quæ hic afferre potui, signa revolutionum, ab Igni subterraneo productarum, quas Islandia subiit, antequam a Norvagis habitaretur. Juxta (1) Landnamæ Auctorem, primum detecta est, Anno Christi Octingentesimo Sexagesimo, Primo, a Nadd-Othone Pirata, gente Norvago. Secundum, a Gardero Sveco, anno octingentesimo, Sexagesimo Quarto. Tertium a **Rasna-Jlostone**, Pirata Norvago, qui nomen, quod hodie retinet, Islandiæ imposuit. Primum enim **Snaerland**, Nivis Terra deinde **Gardars-Holme**, nuncupata est. Visitata est quarta vice ab Ingolfo, Norvago, anno Octingentesimo, Septuagesimo, qui

(1) Landnama Saga Part. I. Cap. 1, 2, 5 & 6. conf. Saga Olafs Triggva sonar, Part, 2, Cap, 6,

qui illam, anno Octingentesimo, Septuagesimo, Quarto, coloniis primus occupavit. (m) Sexaginta annorum intercapedine, in tantum crevit Incolarum numerus, ut postea non adauctus sit. (n) Anno Nongentesimo, Trigesimo, institutum est Alþing, Generale Forum, visitata prius universa terra. Tunc Leges Sancitæ sunt & coloni numerati. Quadrantes, Borealis occidentalis & Australis erant populosissimi. In Primo (o) Mille & Ducenti, in Secundo. (p) Nongenti in Tertio Mille in quarto seu Orientali septingenti coloni numerati sunt, quorum singuli cum suis familiis proprios incolebant fundos. (q) Anno Millesimo Islandi, Christianam fidem amplexi sunt. Historiis igitur, quæ, de primis his Islandicæ gentis Originibus agunt, ex magna parte, usus sum prout interruptæ præsentis anni horum patiebantur. Multo plura & notabiliora, quæ Islandiæ naturam spectant, si quis sciscitaretur & ab ipsis Incolis exquireret, quod temporis mihi immaturitas denegavit, relecta fore sperarem.

(m) (n) Landnama Saga Part. 5. Cap. 15. & Schedæ Ara Prests Groða, Cap. 2.

(o) (p) Landnama Saga Part. 2. Cap. 33 & Part. 3. Cap. 20. confer. Schedæ Ara Prests Groða Cap. 9.

(q) Kristendoms Saga Cap. 12. Sagan af Oláfe Konunge Triggvafsyne Part. 2. Cap. 67. Schedæ Ara Prests Groða Cap. 6.









